

登錄號

分類號

5258

B932
5024
:2



神荼鬱壘

東海度朔山有大桃樹蟠屈三千里其卑枝向東北曰鬼門萬鬼出入也
有二神一曰神荼一曰鬱壘王閔領衆鬼之出入者執以飼虎於是黃帝
法而象之因立桃板於門戶上畫神荼鬱壘以禦凶鬼此門桃板之制也
蓋其起自黃帝故今世畫神像於板上猶於其下書左神荼右鬱壘以除
日置之門戶也



三教叢書大全

四卷

五瘟使者

昔隋文帝開皇十一年六月內有五力士現於凌空三五夫於身披五色袍各執一物一人執杓子并觀子一人執皮袋并劍一人執扇一人執錘一人執火壺帝問太史居仁曰此何神主何災福也張居仁奏曰此是五方力士在天上為五鬼在地為五瘟名曰五瘟春瘟張元伯夏瘟劉元達秋瘟趙公明冬瘟鍾仕貴總管中瘟史文業如現之者主國民有瘟疫之疾此為天行時病也帝曰何以治之而得免矣張居仁曰此行病者乃天之降疾無法而治之於是其年國人病死者甚眾是時帝乃立祠於六月二十七日詔封五方力士為將軍青袍力士封為顯聖將軍紅袍力士封為顯應將軍白袍力士封為感應將軍黑袍力士封為感威將軍黃袍力士封為感威將軍隋唐皆用五月五日祭之后匡阜真人遊至此祠即收伏五瘟神為部將也



司命竈神

按酉陽雜俎云竈神姓張名單字子郭狀如美女夫人字卿忌有六女皆名察即六癸女也白人罪狀大者奪紀二三百日小者奪筭二一百日故為天地督使下為地精巳丑日二出卯時上天禹中下行署此日祭得福其屬神有天地嬌孫天地大夫天地都尉天地長兄劓上童子突上紫官君大和君王池夫人凡治竈於屋中央口向西竈四邊令去釜九寸以墼及細土構之立亦勿令穿析神竈之法也竈神以壬子日死不可用此日治竈當以五月辰日猪頭祭竈令人治生萬倍用犬祭竈凶敗雞毛入竈中至非禍犬骨入灶出狂子正月巳巳日白雞祭竈宜蚕五月巳丑日祭竈吉四月丁巳日祭竈主百事大吉之兆





福神

福神者本道州刺史楊公諱成字昔漢武帝愛道州矮民以為宮奴玩戲其道州民生男選棟侏儒好者每歲不下貢數百人使公孫父母與子生別有刺史楊公守郡以表奏聞天子云臣按五典本土只有矮民無矮奴也武帝感悟省之自後更不復取其郡人立祠繪像供養以為本州福神也後天下士庶黎民皆繪像敬之以為福祿神也



五盜將軍

世畧曰五盜將軍者即宋廢帝永光年間五盜寇也於一方之地作亂為盜
 后於景和年帝遣大將張洪破而殺之于新封縣之北其五人又作怪盜于
 此癸之者皆呼為五盜將軍也 杜平 李思 任安 孫立 耿彥正

紫姑神

紫姑神者乃萊陽縣人也姓何名媚字麗卿自幼讀書办利于唐垂拱三年
壽陽刺史李景納為妾其妻妬之遂陰殺之於廁自此始也紫姑神死於
正月十五日故顯靈於正月也





五方之神

武王伐紂都洛邑天大雨雪甲子朔五神車騎止王門之外欲謁武王王曰諸神各有名乎軍師姜尚稱之尚父荅曰南海之神名祝融北海之神名玄冥東海之神名句芒西海之神名蓐收河伯名馮修使謁者以名召之神皆驚而見武王王曰何以教之神曰天伐殷立周謹來受命各奉其使武王曰子歲時无廢礼焉按傳共工氏子曰尤主社為后土神少昊子曰重主木為句芒神顓頊子黎主火為祝融神少昊第二子該主金為蓐收神少昊第三子熙主水為玄冥之神也



三才神方全
四卷

Blank page with vertical lines for text.

南華之壯生

莊子本姬姓名周因先世宗父名暘楚莊王第三子也封睢州蒙縣為下
楚父暘恬退養高維貴倨而未有也夫人若敖氏生子志羊弱冠力于儒
林無冠冕志妻閻氏績因平王伍子胥之難更姓以楚莊之莊為莊姓愿
子孫無忘乃祖意也乃隱姓名雜處于蒙縣之陽隨父母隻亡居喪以禮
昭王聞其賢而聘之羊乃身負耜妻持筐又遷于蒙成之東生莊周也與
妻王氏躬耕鑿妻紡績日覩魚詢友為樂夜討黃廷經卷及南華經卷遺
世周以放達為宏規以全真為內事柳盜蹠聞之不犯其門却孫武之金
而不受逃赧王之聘而不起前妻野死哭而不哀次妻憂死歌而不哭遊
秦閔而師老聃受仙丹而點骷髏南遊汨羅而會閻闔大夫于龍王之殿
東遊瀛海而覓周太史于奔山之陽秦蹇叔棄令尹而相從于羽化長莊
士叩秦閔而覓父于仙臺廣成子之為契尹寄生之為遊萬花谷中採藥
不徑岩上窺丹指點三男子于仕籍點化妻骸以返陽登層岩而感蝴蝶之

夢思人生如夢踞虎豹而嘆觀魚之樂舊事如新既而臨雲海以思故鄉
之遊子由子南棊輩分襟求决反故土而聚骨肉之欣莊棊莊觀莊六輩
攜手歸仙

滿門雲水為家瀛州上明月為朋老君以其徒之與有道也述其首末以
聞于

天帝封為協天翊運全真保氣護國庇民慈惠無量大德玄帥

觀音菩薩

觀音乃鷲嶺孤竹國祇樹園施勤長者第三子施善化身來生於北闕國中父妙莊王姓婆名伽母伯牙氏曩者父母以無嗣故祝于西岳香山寺天帝以其父好殺故奪其嗣而與之女長曰妙清次曰妙音三曰妙善惟妙善生時異香滿座霞光遍室幼而聰達便欲了人間事至九歲力阻父命誓不成姻後因長次二女招及二郎俱不當肯父乃強妙善畢偶無柰善何始禁于後園中善守淨彌篤再捨入汝州龍樹縣白雀寺為妮暗命僧頭夷優寺化喻弗從乃阨以苦行妙善朝吸水暮聽釋晨焚掃晝柴炊毫無難色誠感天使三千八部天龍持護伽藍掃地東海天王掃厨六丁上香遊奕點燭伽雀進茶飛猿進菜白虎嚼柴飛瓊毛嬙滋花八洞神仙獻菓夜中風雷喧嚇鬼神走動衆妮懼而復命于父遣五城兵馬忽必力驅兵圍寺焚之而妙善口叩靈山世尊齒啣玉指噴血成紅雨滅火救寺五百僧咸無恙焉必力再火再息三火三息無柰奏聞父怒命必力



網押妙善入法場陰以母肯救之蓋深愛三女之慈順欲其完聚成婚以攝國政也殊意妙善色不變而志愈堅乃囚以冷宮日夜宮娥父母苦勸妙善不聽反失語激父大怒立賜必力斬訖土神忙奏玉帝賜以紅光罩體刀砍刀斷鎗刺鎗截乃賜紅羅絞死彼時一虎跳入負屍而去父曰不孝兒當得惡報蓋不知天使猛虎負善入於黑松林中正所以完善之果念也第善一時昏夢真靈香不知去處忽一童子手執幢幡請曰閻君有命迓公主耳善曰何曰聞公主大慈惠十王躬候于步天橋善如命只見鬼門關上牛首跪門夜了秉燭鉄頭掃途入見一劊割獄刑問之曰以罰不忠不孝者流見一春磨刑曰以罰賤五穀草管生物者流見一柱銅鍋刑曰以此待豪強也善曰法網何密曰奚啻於是目今獄有刀林以報過口業者冰床以報恣耳目者有抉目括舌刑以報唆呪者又有抽腸刑以報腹劍舌劍者以至推人於窅者以柰河報以笞士女者以鞭鎚報以大壓小者以石壓繒繳禽獸者以虎蛇報以生前過富貴者以餓鬼報以籠絡人者以鎗林報諸獄果報不可勝數殊謂天眼之不昭而冥也

可漏網耶已而詣地王閻長接于金橋之上錦蓋繒蒙紫雲佈地玉輦相迎歌女侍側善謝之曰妾否德敢辱寵招諸王曰聞大慈悲憫侍經筵少啟萬一善曰阿彌善哉也殊意合手一誦而天花亂墜地擁金蓮鉄獄銅枷盡為齊粉而八千餘部之地獄悉空矣凡諸造業者皆脫離地獄步天堂焉時諸判官奏曰有陽即陰有善即有愿非地獄也何以待兇人則陽間造惡者將何以警耶此補陽化之所不及未可少也爾來大慈悲說法而地獄頽矣似此久留則鐵無堅獄天帝聞之有責至矣急請邀反陽也諸閻車送于孟婆亭而別命獄卒引至黑松林還魂善醒曰吾已昇天界矣柰何復至此乎沉吟芳草不知去向已而釋伽如來駕雲和南而揖因戲之曰草蘆中堪容並你吾與聊生也善曰柰何以披毛之語贖我耶釋曰戲女心且堅美愿帶往香山可乎善不荅曰非別吾釋迦是也特示女去處善稽首稱謝曰何處曰越國南海中間普陀岩是女去處吾代呼地龍化一座蓮臺度洋而過于是白虎為之咬木加藍推開福地八部龍王日夜湧潮四部天王為之柱石善坐普陀岩九載功成割手目以救父

病持壺甘露以生萬民左善才為之普照右龍女為之廣德感一家骨肉而為之修行普昇天界

玉帝見其福力遍大千神應通三界遂從老君妙樂之奏封為

大慈大悲救苦救難南無靈感觀世音菩薩賜寶蓮花座為

南海普陀岩之主賜

父妙莊王為善勝仙官

母伯牙氏為勸善菩薩

大姐妙清為大善文殊菩薩青獅騎座

次姐妙音為大善普賢菩薩白象騎座



王元帥

襄陽洛里姓王名惡字秉誠父諱臣早逝母邵氏遺胎而生帥于貞觀時
丙申年七月庚申日申時帥幼孤不讀有膂力性剛暴厲直市中有不平
者直與分憂鋤硬撻橫國人服其公且憚其武第多執性不容人分曲直
故含息者衆而仇之不盡泯焉時扶風內各黑虎者與帥同姓遂借其威
名強淫人之室女凡殊姿者先接而後嫁謂之試先紅莫敢誰何後帥聞
其冒余醜也怒殺之鄉儔與質於廷帥不跪官枉之而狂焉帥髮倒豎曰
汚塗留他則甚余一一殲之以除民害闊步摳衣而上官惧唯曰衆隸
胥等逢拽力救而釋之得無恙遂至荆襄間有古窟為江恠所占顯靈本
方里迺年六月六日會主脩牛羊猪各十牽酒十釀免瘟否則人物流血
而疫逝會貧苦者幾至鬻男女以徇之悲声盈耳帥惡而燒之廟像兩燼
恠風大作適值薩真人托藥救瘟以來遂作法反風而滅妖境籍以安諸
土主述事以奏

至帝敕封谿洛王元帥錫金印如斗內篆赤心忠良四字管天下都社令
凡有方士奏入者雷厲風行察有大過者立槌之官民不敢少干以私第
帥多在天門用事不諳人民隱伏兼以性烈一承天命即拘其冤令人骨
悚世人勿犯之可也

謝天君



謝天君

天君姓謝諱仕榮字雷行於貞觀初一輪火光如斗直射入山東火焰山
界謝恩其父韓其母也帥性烈貌惡不屈於豪亦不敗于法為山陰令時
寮東役督司以催科故嚇帥以千金帥密拾其贓報督怒之無從也因責
以苦辯諸若水銀盜甲帥以錫餽者應勒以鼓革牛膠帥以敗蔽敗甲為
膠而皮者為甲鼓奏進督害之不足又申以將才陰陷以把隘帥即夜率
數兵以襲砍而塞虜心賊又乘敗以襲我虛帥又先移塞以伏弩侍之竟
保無虞蓋役愈苦而才愈辯事愈險而功愈奇赤心烈節炳于天日誠不
虛

玉帝之寵於耳目臣也宜受戕于火德天君執金鞭架火輪頭頂道冠以
司亢陽之令

大奶夫人

昔陳四夫人祖居福州府羅源縣下渡人也父諫諫拜戶部郎中母葛氏
兄陳二相義兄陳海清嘉興元年蛇母興災吃人占古田縣之靈氣穴洞
於臨水村中鄉人已立廟祀以安其靈迨年重陽買童男童女二人以賽
其私愿耳遂不為害時觀音菩薩赴會歸南海忽見福州惡氣冲天乃剪
一指甲化作金光一道直透陳長者葛氏投胎時生於大曆元年甲寅歲
正月十五日寅時誕聖瑞氣祥光罩躰異香繞闔金鼓声若有群仙護送
而進者因諱進姑兄二相曾授異人口術瑜珈大教正法神通三界上動
天將下驅陰兵威力無邊遍勅良民行至古田臨水村正值輪祭會首黃
三居士供享心惡其妖思靖其害不忍以無辜之穉啖命于荼毒之口敬
請二相行法破之奈為海清酒醉填差文券時刻以致天兵陰兵未應悞
及二相為毒氣所吸適得瑜仙顯靈憑空擲下金鍾罩覆仙風所照邪不
能近兄不得脫耳進姑年方十七哭念同氣一糸匍往閭山李法洞王女



即法師傳度驅雷破廟罡法打破蛇洞取兄軒妖為三殊料蛇稟天宿赤翼之精金鍾生氣之靈與天俱盡豈能歿得第殺其毒不敢肆耳至今八月十三起乃蛇宿管度多興風雨霖雹暴至傷民稼穡蛟妖出沒此其証也後唐王皇后分娩艰难幾至危殆妳乃法到宮以法催下太子宫娥奏知唐王大悅敕封都天鎮國顯應崇福順意大奶夫人建廟于古田以鎮蛇母不得為害也聖母大造于民如此法大行于世專保童男童女催生護幼妖不為災良以蛇不盡殲故自誓曰女能布惡吾能行香普勅今人遂沿其故事而宗行之法多驗焉

聖父威相公

聖母葛氏夫人

聖兄陳二相公

聖姊威靈林九夫人 九月初九日生

聖妹海口破廟李三夫人 八月十五日生

助娘破廟張蕭劉連四大聖者

銅馬沙王

五猖大將

催生聖母

破產靈童

二帝將軍



天妃娘娘

妃林姓舊在興化路寧海鎮即莆田縣治八十里濱海湄洲地也母陳氏嘗夢南海觀音舟以優鉢花吞之已而孕十四月始免身得妃以唐天寶元年三月二十三日誕也之日異香聞里許經旬不散幼而穎異南週歲在襁褓中見諸神像又手作欲拜狀五歲能誦觀音經十一歲能婆娑按節樂神如會稽吳望子蔣子文事然以衣冠族不欲得此聲于里閭間即妃亦且韜迹用晦櫛沐自嘆而已兄弟四人業商往來海島間忽一日妃手足若有所失瞑目移時父母以為暴風疾急呼之妃醒而悔曰何不使我保全兄弟无恙乎父母不解其意亦不之問暨兄弟羸勝而歸哭言前三日颶風大作巨浪接天弟兄各異船其長兄船飄沒水中耳且各言當風作之時見一女子牽五兩紅蓬桅索也而行渡波濤若平地父母始知妃向之瞑目乃出元神救弟兄也其長兄不得救者以其呼之疾而神不及護也懊恨無已年及笄誓不適人即父母亦不敢強其醮居無何儼然端坐

而逝芳香聞數里亦猶誕之日焉自是徃徃見神於先後人亦多見其輿從侍女擬西王母云然尤善司孕嗣一邑共奉之邑有某婦醮于人十年不字万方高禱終無有應者卒禱於妃即產男子嗣是凡有不育者隨禱隨應至宋路允迪李富從中貴人使高麗道湄洲颶風作船幾覆溺忽明霞散綺見有人登檣竿旋舞持柁甚力久之獲安濟中貴人詰于眾允迪李富具列对南面謝拜曰夫此金簡玉書所不鯨鯢腹而能宣雨露於殊方重譯之地保君綸不辱命者聖明力哉亦妃之靈呵護不淺也公等誌之还朝具奏詔封靈惠夫人立廟於湄洲致守香火百家斷樸梓材丹腹張矣我 國初

成祖文皇帝七年中貴人鄭和通西南夷禱妃廟徵應如宋歸命遂勅封護國庇民妙靈昭應弘仁普濟天妃賜祠京師尸祝者遍天下焉夫妃生而稟純靈之精懷神妙之慧死而司胤則人無闕司海則水不揚波其造福於人豈淺鮮哉余嘗考之興化郡詩併採之費鼂采碑記因畧為之傳者如此

龐元帥



混无龐元帥

帥姓龐名喬字長清漢江渡口父龐定母姚氏生於漢獻初癸丑年十一月癸亥日丑時世雖駕渡心行菩提待凡往來客无平等一夕客重陽日夜渡歸急頓遺百金於舡次日泣而訴其情帥出其封帖如也客頓委一不受又除夕前二日幼嬾孤行晚告以渡柰一日雪禁無有行者氏無處帥留之而火其衣鬻其食凜然尺寸清冽次日雪愈其人踪絕矣又次日帥忙于應接其父披蓑揭竿而渡嬾從之至岸而反江風大作舡掀而渡覆矣帥見而忙跳遊于波隨逝隨沒勢若浮梗直至父處深入而負之至崖而力竭矣無如狂瀾者何則帥沒而父亦墮矣帥失嬾在復俱沒負之以出如是者三盖除夕時鬼夜出沒叫冤取替乃帥固一六之精以坎為府沸濤不能俾之殆而向所渡之氏者非他迺自在觀音化身佛也以故父亦無恙第帥已出險方鳴々然抱父以泣而數十鬼泣曰余今年當取代無柰為孝子所攘予無輪迴日矣帥聞而鞭之不獲明日又如是泣陰

風颯也鬼哭慘人况父以羸弱之質蹈于薄滂之後其幾死者屢矣帥不
得已以香塵貼于掌中以火薰其上祝于天而
玉帝聞而怜之敕為混炁元帥手執金刀惟天門之出入是命以降陰魔
除陽惡秋毫不爽

海神廟



李元帥

帥諱封乃南海上飛航效也素剛直絕膂力因鄰有不戴天之寃者帥不平而殺之逃于海神庙中遇五鬼咀嚙又入曰天神到了也帥曰汝何有知曰予等奉神龍命愿為除水恠焉當以金刀贖隨于地窖取刀而化帥曰異哉亦竒遇也倏爾顆賊牽羊醞醢神帥擒降之跳艘而入啟其中皆美男女珠寶等類帥命盡釋之錫金玉遣婦因誓其醜曰女無劫往來商宦客無劫民間女而專擊倭與寇之民害者聽衆唯此一日操艇于洋一巨恠翻風捲浪而起帥不知為江豕也曰之豈神命者耶跳浪而剗之涉洋如步沙渚已而黑颺倒旋驚濤騰空飛花濺天中隱逆鱗而刺鬣象嘴而牛鼻身巨如山一尾九火有餘狀如山川之尾蓋鱷也傍子十數尾竒鱗異族交翼如黑雲然帥曰前而非也飛而入立其背直刺而出並戮其子與及其餘風浪頓息若平江焉夜神謝曰女功槎客無涯矣余當白之王帝以酬萬一王帝乃敕為元帥李先鋒之賤委二將軍為翼帥蓋生於

錦江口隋帝壬午年五月五日午時托胎於李芳之妻孫氏云

劉天君



劉天君

雜記傳曰帥諱後東晉人也生於岷江漁渡中歲次庚子八月十二日酉時母謝氏取水于江而帥匍入于波心得浮槎近傍而濟其父劉福公掉而迎之曰何異也而幸不死適貧送于羅真人為侍讀因精于五雷掌訣招風捉雨隨叩響應濟民助國環堵之民議祀之帥曰是為名也而逃之民書德因壇其宇而脩焚祈祝于其間一如所禱捷于浮殼繼而東京大旱上蒿目而耳之嗟咨遍編戶焉且曰惟禱于劉君之祠必吞所視上從之果訃靈焉時秋大稔帝悅而敕之為

玄化慈濟真君焉

玉帝而亦以其敕者

敕之以掌王府事

王高二元帥

野史傳曰王諱鉄高諱銅王生榕城之南高產薊雍之北二帥各遊仕于中夏而相与遇于羈洛至握手歡焉審其歲皆周厉時壬戌季冬月廿八日晡時遂盟以金蘭不同氣而親若一乳時二帥皆仕于韓王力諫而不聽也欲去之高曰女行塞吾何樂也竟棄之而偕徃終不祿焉一日高出也王詢之人曰逕南嶺焉王驚曰虎穴也伊何之以丹迎之人止之曰生死以之也直行而若無有狀乃高反而咨王之去住人曰為女過南嶺矣王奔之人亦止之曰為予行也而敢後也乃高不遇虎而王遇之王曰小吏將吾友何之力殺之已而高返王迎之曰吾以女死于虎口高曰非也余覓女路值柳盜跖以為子受擒于彼手刃虎戰而捉之竟言未有獲女也而返二人欣然携手而歸人曰真銅鐵友也凡事多類此王帝以為猛獸不能携其心也遂二帥因封為虎丘長以示訓





田華畢元帥

東鄉間姓田名華者乃正東二七神也雷藏地中寄胎於田間千年石乳
鍾氣而生誕時白晝憑空霹靂火光照天風雨驟至帥膝坐大蛇圍其外
群蜂哺英以喘至長遂因田為田指華為畢脩鍊于漉瀘岩下時女媧氏
五色土補天百計不成帥助木火之精霹碎玄精之石髓噓巽南之氣熅
曙鑄之治聲吼天地乃塞天漏又鍊五色火電風雷陣上助軒轅擊死蚩
尤軒轅氏拜以龍師之賤帥曰余方以外人豈以碌匕自損拂衣而隱于
華胥之境因名華焉厥至有唐氏十日并出赤土千里衆星官喻以代天
工司者帝震蟄起滯為天地立心洪爐造命乃奉帝旨駕雷車擁電旆雲
路風馳日月秉燭官騎龍尾臣箕翼是時雨暘時烏流及漢末妖魔縱橫
奸淫百出

玉帝封以雷門畢元帥之賤敕掌十二雷庭輔

玄天上帝誅瘟役鬼上管天地潦涸下糾群魅出沒中擊不仁不義等輩



田呂元帥

呂元帥之父乃蒼龍之精帥其子也昔蒼龍為慈濟真君所逐隱入西蜀黃沙洞暗窺龐氏美艾而妻焉半載有寄真君覓至而尤化乃氏亦驚匿於田中真君飛劍指龐氏之腹而胎落固孩身而龍首也爾時雷雨暴至夫謂見龍在田非耶真君既逼其父不忍破其胎以及其子也育撫之因曰其姓雨其諱也六歲時送徒于張真人帳下曰侍不倦因表而字之曰全靈自張真人步虛後而帳與天雷令等法不俱焉帥竊覲以心帥之傲錄于紫華山中忽然思身所出之原弗得也老道士誡之曰而翁元金之質而母則隴右老嫗而雙瞑是也帥泣負而事之服勞不倦不數載咨母所以別父之故乃母云七帥日夜思之曰此一行也雖而父不法之過而真君以逼父於何處陷母化儻于何歸足恨也自思不報非孝也有恨不洩不武也行而不斷非夫也伊何人斯挾術而劫而父而亦何不磬所享而雪父耻耶遂突起而裂帳為旗折竿為戚噴水為霧擊令為雷憑虛而

行于太虛中遍詢真君行藏正值十二小妖截路空亡帥怒展旗幔于帳已而與戰不解

玉帝親召而帥之曰真君為民除害弗可妖仇也十二空亡不可刃也其與帥釋其恨而愿隨鞭鞞於三界行在以降妖幔邪元帥之取因而以左執雷令右執黃旄而上列於負屏之左

黨元帥

帥懷州人澄深精研第貌黑而心不黑內不庇親外不避仇任晉昭察使時留刑無定惟人所入上任見下任奸帥獨平心不照兼以廉明真偽如見奸廷無冤獄下民無怨辭三載中而閭謠之曰黨不黨見五臟案臨籍秉天日黑判官人鬼泣何家宰相民考妣蓋黨其姓黑其貌歸籍者其諱而何其翁之諱也故曰何家宰相母陳氏生帥于元祐丁未年九月丁卯日未時主時人見有二三十兒童旗幡蔽路鼓樂沿堤扛一小兒以來人問之答曰一路福星也享壽九十七

玉帝封之帥以蒞黎槌掌考校以察天下惡過焉



石帥



石元帥

野錄曰帥相溪人氏諱神毓於周宣王七年三月初四日申時七風雨驟至龍掛冥表鄉人號乃父文甫若母韓氏曰阿兒龍種也夫帥性敏淨長遊閩中受業於閩尹子結廬於眉山之陽適當令赤土千里百木黃落鱗不得尺水以鼓其鬣樵叟輩袒有汗顏相與聚訴于廬曰周于黎民靡有子遺帥愀然不曰愧不能耳彼蠢茲若虺若蛇且以伸螫揚波吐氣成雲為天下作甘霖柰何含溥而且不及一焉則丘稗而牛唾足恨也抑鬱而思曰昔有萊林之禱何為也哉夫非剪爪髡髮者乎惟誠動天亦弗誠耳遂沐浴更衣明馨于爐薦虔於盂再拜而祝民從之倏雨滴驟至影地滿三尺殊憶帥之再拜不起而不知其化矣已而行人報曰帥乘馬東行旄儀羽檄族擁百餘謂從者曰為我謝諸而輩也余奉

玉帝敕莫能留耳幸勿予責

上帝封為五雷之長典威福擊伐事

副應元帥

帥性嚴整目不瞬而心匪石不假人顏色幼科不第而苦志厲行於山僻
間夜有九尾狐精托幼婉行狀叩扉以入獻百媚以求一盼帥讀而然啓
朱唇以求一售帥讀而然次日敲牕低語帥閉戶而已妖以色不迷恠可
駭遂幻為魑鈴眼而螺角龍唇而虎口乾柴身巨人履足踏于几手抬于
榱火焰眼鼻如噴帥色不變乃坐而言曰女非夜半之所啓門自獻者耶
何嚇余耶余豈而嚇者耶遂以所點易之硃以擲之妖斂形作丫環而謝
曰君天神也異日天詔為竟察魔帥幸宥婢愆帥曰女洗而行可矣媿歛
衽而退已而

玉帝降旨迎帥授以金鑑糾邦之戢帥蓋泰山下人氏副賀公之遺脉母
歐陽氏萃中嶽之秀而降凡于乾符九年壬寅年壬寅月壬寅日寅時帥
別號泰宇





槃瓠

槃瓠狗神今長沙武陵蠻之祖廟在盧溪縣之武山按高辛氏有犬戎患
 募能得犬戎吳將軍頭者妻以少女時帝有畜狗名曰槃瓠遂入山啣人
 首赴闕下果吳將軍頭也帝大喜杰槃瓠畜類不可妻欲他報之女聞以
 為信不可失請行帝不得已從之槃瓠得女負入南山石室中踰三年生
 六男六女分為六姓藍胡侯盤余竹至今廣福近海有之俗名余客槃瓠
 死男女自相婚配母歸以狀白帝使迎置諸子衣裳爛斑言語侏儻其後
 滋蔓今武陵蠻是也至今土俗不食犬肉廟有威靈也



三教搜神大全
卷五
四

楊元帥

凡帥也楊帥特以地祇授之何曰寵異也何寵異曰以帥能為后祇任耳目也曰手執武士何故曰后祇為方澤承青帝行天道操堅凝以尸其出迎夫迨以尸其入于時為涼於數為逆于氣為藏持肅殺握秋霜惟帥則武力執武士以殺為威掣人之所不能掣此則上帝所以敕帥之意也曰將安効勤曰下察五方之凶穢幽按十二閻君之橫縱陽糾人間罔罔之曲直陰鑑海嶽之魑魍為隕府硯門之長至巨任也然則帥何脩以至此曰守法耳帥時任漢廷尉長案盜主玩器者以賍究帝欲廷殺之不聽案以妄倖侮官倖者以笞殺帝以賚赦之而不聽案三老中之賍吏者臺臣以勢請之而不顧案故友以撓法罷者賄以千金而不瞬目曰汝汚累欲人共分謗即凡此其大較也夫帥勇力精進允若慈雖與共揚州事察人鬼斷凶頑校牛頭馬首之閔剖岩林水國之藏無不可者然帥生時鄰驚喊有飛虎至者已而楊公家婆徐氏毓帥於庚申年十月十六日亥時焉

此則帥諱名彪之意而人豪杰如此

高元帥



高元帥

帥受炁於始元太乙之精托胎於蒼州高春公家母梅氏甲子年十一月
 甲子日子時生下一團火光曜日父母以為恠投之江藥師天尊抱之為
 徒貌如冠玉法名員授仙劑以遊世凡猿劈腦猿遭彈求蛇破胎出之鶴
 完頂鶴頂暗帝以蟻虎硬喉遭蟬毒帥諸奇症隨手安痊適遇一仙木
 樗腹而腰口血水瀝不止帥怜而補之仍以瓊花之露及天合之皮而
 孔如天然不意神虫死其中也乃托于人言曰信而術亦大造中之生
 人也汝能去病于肘腋隨甲之下以活世耶曰可即制以灸鬼之法以濟
 曰東南一古栢女生之乎曰可以觀音淨壺甘露滋之而萌生曰西北一
 腹裂者女合之乎曰可即以去痛之藥調以神水咒易以腹腸蒙以生肌
 之散而痊曰今士大夫之家乏姪女胎之乎曰可即以紫英陽起等石繼
 以寄生神散密推化生神符神虫思無以窮其投者密以金蚕殺氏謂帥
 曰今如何夫醫一生即殺數草是活一而枯百也况胎孕乃權于天汝欲

三教搜神大全

五卷

六

以命扭是未必生而傷一死也汝何能全予托命于抱樗之中彼非有死
機也亦何賴于女而強醫之鬱予以死彼未德而余之何仇女亦得以普
濟之仁而無偏耶帥語塞而嘆曰信不能兼也女與嬪而醫死諸在七
感德枯謝之遂和以回生之術而甦之遍遊于方内外生之甚衆
玉帝憫其為仁亦苦矣以為足為帝之心為物造命者遂封以
九天降生高元帥之職



靈官馬元帥

詳老帥之始終凡三顯聖焉原是最妙吉祥化身如來以其滅焦火鬼墳有傷於慈也而降之凡遂以五團火光投胎于馬氏金母面露三眼因諱三眼靈光生下三日能戰斬東海龍王以除水孽繼以盜紫微大帝金鎗而寄靈于火魔王公主為兒手書左靈右耀復名靈耀而受業於太惠盡慈妙樂天尊訓以天書凡風雷龍蛇馘鬼安民之術靡取不精乃授以金磚三角變化無邊遂奉玉帝勅以服風火之神而風輪火輪之使收百加聖母而五百火鴉為之用降烏龍大王而羽之翼斬揚子江龍而福于民屢歷艱險至忠也帝授以左印右劍掌南天事至顯也錫以瓊花之宴金龍太子為之行酒至寵也殊憶太子傲侮怒帥火燒南天關遍敗天將下走龍宮中戰離婁師曠偕以和合二神仍笞金龍以洩其憤至不得已又化為一包胎而五昆玉二婉蘭共產於鬼子母之遺體又以母故而入地獄走海藏步靈臺過酆都入鬼洞戰哪吒竊僊桃敵齊天大聖釋佛為之

解和至孝也後復入于菩薩座左至慧也玉帝以其功德齊天地而敕元帥于玄帝部下寵以西方領以吞下民妻財子祿之祝百叩百應雖至巫家冤枉祈禱之宗悉入其部直奏天門雷勵風行焉



孚祐温元帥

帥姓温名瓊字子玉後漢東歐郡人今浙東温州是也世居白石橋祖宗
世隱顯父諱望業儒卒明經中科第廼歎於嗣以為非孝也同妻張氏諱
儵字道輝禱於后土時夜夢金甲神持巨斧手托一顆明珠以惠張氏云
我乃六甲之神玉帝之將欲寄母胎托質為人母還肯麼張氏諾曰女流
無識聖賢顯萃何取方命其神委珠于懷而醒張氏因而含靈一十二月
祥雲繞室異香馥座已而誕生於後漢順帝漢安元年辛巳五月五日午
時時沐妊姊曰此兒左脇有符文二十四篆右脇有文符十六篆人莫能
識已而隱其朱畫乃以其所夢神惠玉環名之曰瓊字子玉幼而神明七
歲孝步天星十歲通儒經傳子史天文等書靡所不通十九歲科第不中
二十六歲明經射策亦不中忽然嘆曰男子漢生不致君澤民死當助帝
誅奸滅邪以疇吾志遂畱偈云孝弟為本忠義為先寬仁容恕立身無偏
便脩清淨契合真玄若奉吾道何憂不仙吾隨左右呼召立前鬱抑聞忽

朱元帥

帥姓朱諱彥矣法號為躰元昔胎寄於崑崙山頂毓於癸亥年十月癸亥日時乃六氣之精黑霾四時不散而成形藍青其躰蚕眉巨眼殮霞為乳吸露為漿既長遂以胎元為袋七人物七日化為鉄水布六氣為六殺神時發陰翳幔空日月無光民無良善並痛其毒天下幾長為混沌世矣爾時玉帝惡其民害也捉殺之帥最袋為雄無不為囊中物者命玄天親譴亦不北坎比躰之故而莫能近蓋惡氣逼人也太清助以逍遙扇以扇其妖氛命謝天君以火德星入其囊以燒其橐帥無能為也帝獲以劍指之曰汝能從我遊无以遍及人也獨於不信道法者以之處囊中焉以警將來吾能受汝元帥之賤以察詆侮聖賢帥唯七受戒乃左金鎚右皂袋而威顯



張元帥

山東寧海縣有張姓名純帥乃父也母黃氏夢金甲神而生帥因名健誕於則天癸卯歲八月癸卯日酉時帥幼而聰俊長而神清貌似靈官美髭精鑒史由科第官至刺史深諳人間事耳所政口辨冤筆僉禁立斷而民不冤焉且仁直剛義時上鍾意於年少俊士詔貢以千計選應連花不給之後帥恥之以時多痘疫無中選者報國人賴以安焉作生祠而祀之王帝以為不曲不阿忠之屬也且才辨于給健之屬也直以飛捷報應之戢帥之以共天門寄心膂又褒以盡忠錫以瘟槌加以二郎金盃以兼理麻痘役專以保童為司命之官也作福者詳之



辛興苟元帥

古雍州界地有神雷山至驚蟄時雷氣發揚于二月為卯於今為震雷門布鼓之神威氣閃赫無物不折至夏秋雷藏地中作鷄狀入于谿岩內嘗八月雍民新姓名興者字震字母張氏家貧賣薪以養母至愍苦一日往雷山采薪計值谿岩中成鷄形者五帥喜心曰可為進膳資耳竟獲以歸進之母適舖擬內衣授之納于鷄柵者四隨以內衣覆其上而欲烹其一神鷄作人言曰予雷耳不可啖也乞宥一副之恩媪弗允則雷霹靂而起母破膽昏跪焉帥賣薪携醴以入抱母屍而哭曰子何極也抑至此邪乃拭淚目其背有金痕曰混一之氣青帝之英威令所加莫子敢撻劈惡誅邪惟吾司命乃知雷也蓋泣而訴之吳曰母非惡非邪也胡不以殛邪而殛母耶矧宥天下之為惡者鷄名也遂並柵之雷鷄而搥之乃雷為內衣所掩竟不能震第莫為碎耳英氣冲虛而雷雨風霾交至欲下擊狀哀其為母故而怜之遂變為道士進而揖曰孝子獨不畏雷而反制雷吾雷

神悞以傷而母而母以怨也余等愿惟而所命以謝厥罪因奉十二火丹啖之帥遂易形妖其頭喙其嘴翼其兩肩左尖右槌脚踏五鼓而昇化母屍而去天帝感其至孝也迎而封之為雷門苟元帥與畢帥共五方事往來行天剪幽明中邪魔鬼惡



鐵元帥

維殷末世魔王現世負靈者胎生版蕩于中華恣毒者以幻化嶮巖于谿谷出沒盤結妖帳太虛玉帝聞太乙真人奏詔六丁入胎於石城顏氏之夢有母無父因以鐵為姓而頭其名生于商辛丙午年五月七日寅時帥幼而武勇氣排山岳膽落天地力倒九牛殺殺烏兔于水潁之陽降火馬于陰山之北殲魔鬼于野火廟中擒妖狐于紫虛樓下浮江亂河截靈蛇玄龜于涿混之渚玄帝方以坎離二業故而闢雲于九天之下正值帥之勇推山海乃踏龜蛇邀帥步虛以同昇封為猛烈元帥分任玄冥之寄矣

太歲



太歲殷元帥

帥者紂王之子也母皇后姜氏一日后遊宮園見地巨人足跡后以足踐之而孕降生帥也肉毬包裸其時生下被王寵愛妃名妲己冒奏王曰正宮產恠王命棄之狹巷牛馬見而不敢踐其體王又命投之于郊烏鴉蔽日白鹿供乳適金鼎化身申真人經過但見祥雲藹_匕紫氣騰_匕毫光四起真人近而視之乃一肉毬曰此仙胎也將劍剖毬得一嬰兒即抱歸水瀧洞求乳母賀仙姑哺而育之法名唵叮呶正名唵哪吒又緣其棄郊之故而乳名殷郊年將七歲同乳母後園遊翫母曰汝非吾子乃紂王子因听信偏妃妲己之言將汝為妖汝母墜樓而死帥感泣竟見真人具道欲報殺母之仇真人曰吾兒年幼不可去也帥堅請去真人曰汝果有此愿力報母亦孝思也但即徃天妃八宝洞中取何宝物為使方可前去帥徃取黃鉞金鐘而見真人曰取此何也荅曰此物好誅妖昏是時真人口中不語臉帶微笑意許如此只恐年幼不能奮力令徃取兵書訓汝先乘海

馬下山收二強人為副帥領命即收贖神鴉將帶婦見真人又命再往掃
箒山收得十二強人方可征商帥不知強毅乃十二喪門哭鬼骷髏神帥
即往盡戮之懸首掛頸胸而回真人曰此骨非他也能助陣一敲鬼哭神
驚人頭昏悶手軟不戰自退於是帥助武王而伐紂至牧野率雷震等
前鋒顯威殺商士前徒倒戈自戮血流標杵當先趕至摘星樓上正值妲
己元是妖雉亡國日迷主精夜吃人血後見紂敗欲顯聖化去被帥威嚇
斂形擒見周王命戮妲大挺妖容炫目無忍殺者帥抱忠憤孝羨不荒於
色劈斧誅之妖散光化道黑烟而沒

玉帝聞有孝羨之思又有斬妖之勇遂召勅封
地司九天遊奕使至德太歲殺伐威權殷元帥



斬鬼張直君

公姓張名巡妻劉氏妾柳氏唐玄宗時進士出身官拜睢陽令遭安祿之
變史思明等登天亂四郊版蕩公負孤城臨攄應變不依古法前後三百
餘戰百戰百克保障軍中器械無一不取之敵者第公性剛烈每策發髮
豎齒落則見其始以背城奪旗鼓繼以艾蒿殺思明收萬矢於東草出奇
之際整威武于坐食野戰之場明忠義於泣廟之餘識人倫於天道之頃
知將令於雷將軍之時堅士志于殺妾蒸骸之表洩貞義於厲鬼殺賊之
詞至今霽將軍嗔指于鄰以示信諸軍伍羅雀炙鼠木食而不携然不屈
于畔逢之逼罵不跪於鋸解之吁嗟堅貞凜冽曜天射日真古天地一孤
忠哉後唐宋歷封為
宝山忠靖景佑福德直君



康元帥

帥負龍馬之精而生於黃河之界父康衢母金氏毓時仁皇炎德九年庚申戊寅月庚辰日戊寅時帥生而慈惠不傷胎不折夭不虐孤寡不履生氣雖蟲頑蠢動而虫蟻者不輕殺焉食以殘紅飲以醇漿時有鶴雛為隼所得折翼而下卧收而哺之後鶴含長生草而報公之鄰里蒼生之士處以病者四方謂之能仁聲聞于天帝亦以民之所稱者封之曰仁聖元帥以掌四方都社令焉帥乃左執金斧右執瓜鉞與玉璽相周旋



風火院田元帥

帥兄弟三人孟田苟留仲田洪義季田智彪父諱鐫母姓刁諱春喜乃太平國人氏唐玄宗善音律開元時帥承詔樂師典音律猶善于歌舞鼓一擊而桃李甲笛一弄而响遏流雲韻一唱而紅梅破綻一調而庶明風起以教玉奴花奴盡善歌舞後侍御宴以酣帝墨塗其面令其歌舞大悅帝顏而去不知所出復緣帝母感恙瞑目間則帥三人翩然歌舞擊箏交競琶絃索手已而神爽形怡汗焉而醒其病起矣帝悅有海棠春醒高燭照紅之句而封之侯爵至漢天帥因治龍宮海藏疫鬼徧徻作法治之不得乃請教于帥作神舟統百萬兒郎為鼓競奪錦之戲京中譁噪疫鬼出觀助天師法斷而送之疫患盡銷至今正月有遺俗焉天師見其神異故立法差以佐玄壇勅和合二仙助顯道法無和以不合無頤恙不解天師保奏

唐明皇帝封冲天風火院田太尉昭烈侯

田二尉昭佑侯

田三尉昭寧侯

聖父嘉濟侯

聖母刁氏縣君

三伯公昭濟侯

三伯婆今夫人

金花小姐

梅花小娘

勝金小娘

萬回聖僧

和事老人

何公三九承士

都和合潘元帥

天和合梓元帥

地和合柳元帥

斗中楊耿二仙使者

送夢報夢孫喜

青衣童子

十蓮橋上橋下棚上棚下歡喜耍笑歌舞紅娘粉郎聖眾

岳陽三部兒郎百萬聖眾云々

孟元帥



孟元帥

帥有姓孟名山者仁義孝慈萬古不磨至今賞人心愿者觀其為獄官釋囚一事足卜其槩夫囚法所不貸至不可以信義感易知也帥以殘冬思親動闥門數百之泣皆切慕親曰而獨無母乎無相見也帥哀其懷膝下想遂泣與囚約囚亦泣與帥約至今冬廿五日而釋來正初五而還果不爽一焉帥遂以為例焉久之私心謂曰囚何斯乃一念思親孝也信而四時義也既信義孝且義可語善矣因戲之曰倘赦行女等復善麼囚泣曰誰而死心耶等輩一悞安肯再悞第所謂囚人虛談耳帥曰汝改慮余盡釋之囚泣曰是閻王殿上輪迴耳第予去君奚以脫等以汝活汝且以等死等活不如死帥曰以一死活百人之命何慮焉衆囚皆泣曰君何辜吾死分也夫君寬待以覲而親思莫加焉又為出死以重厥罪夫蝼蟻惟貪生亦奚忍其心至此乎不為也一囚久泣曰君言此徒令人心骨悚耳帥曰真言哉囚咽哽而言曰君母為然只此言令人碎身難報也帥聞之亦

涕曰予自有脫計衆問之帥曰勿問囚曰誠兩全愿听其甚勿自苦也皆拜
之各漸去而去最祝之曰愿天相吉人無為縲且世其昌乎不意府主滕
公知而笞叱之曰八百囚缺一無生還也譴之捕焉帥思曰死何怨第復
命難矣躊躇久刺鎗于室自殺凡三踴躍而白兔三倒其鎗忽龐眉者曰
上有敕帥恒為府君命也急而出則車馬旗士引焉遙拜
玉帝敕為鄴都元帥遂後於其帽上加瓊花一朵時帥尚未釋其鎗于手
即加黃龍鎗焉乃知封也事聞于府時太府亦申文于上乃
趙國初亦像其廟而加以將軍號焉並贊之曰將軍兮萃廣西之靈仗義
兮生八百之蒼黎感諸奴兮盡面以從新義被一方兮皆可封之餘馨恢
厥犴兮廣幾乎于空囹厥父其浩兮亦積善之苗裔母郭氏兮紹太姒之
徽音昭彼行兮以礪萬人凡吾民兮無入于微懲生于戊申八月十二日
而沒于庚辰冬也謹并其始終以錄



慧遠禪師

釋慧遠本姓賈氏鴈門樓煩人也弱而好書年十三隨舅令狐氏遊學許洛故少為諸生博綜六經尤善莊老性度弘偉風鑒明拔雖宿儒英達莫不服其深致年二十一欲度江東就范宣子共契值石虎已死中原寇亂南路阻塞志不獲從時沙門釋道安立寺於太行恒山弘讚像法聲甚張聞遠遂往歸之一面盡敬以為真吾師也後聞安講波若經豁然悟便與弟慧持投簪落髮音采委命受業既入乎道厲然不群常欲總攝綱維以大法為已任精思諷持以夜續晝貧旅無資緼纈常闕而昆弟恪恭終始不懈有沙門曇翼每給以燈燭之費安公聞而喜曰道士誠知人矣年二十四便就講說嘗有客聽講難實相義往復移時彌增疑昧遠乃引莊子義為連類於惑者曉然是後安公特聽慧遠不廢俗書安有弟子法遇曇徽皆風才照灼志業清敏並推服焉後隨安公南遊樊沔偽秦建元九年秦將符平寇并襄陽道安為朱序所拘不能得去乃分遣徒眾各隨所之

皆被誨約遠不蒙一言遠乃跪曰獨無訓勗懼非人例安曰如汝者豈復相憂遠於是與弟子數十人南適荊州住上明寺後欲往羅浮山及屆潯陽見廬峰清淨足以息心始住龍泉精舍此處去水本遠遠乃以杖扣地曰若此中可得栖立當使朽壤抽泉言畢清流涌出浚矣成溪其後少時潯陽亢旱遠詣池側讀海龍王經忽有巨蛇從池上空頃更大雨遂以有年因號精舍為龍泉寺焉陶侃經鎮廣州有漁於海中見神光每夕豔發經旬彌盛怪以白侃侃往詳視乃是阿育王像即接歸以送武昌寒溪寺寺主僧珙嘗往夏口夜夢寺遭火而此像屋獨有龍神圍遶珙覺馳還寺寺既焚盡唯像屋存焉侃後移鎮以像有威靈遣使迎接數十人舉之至水及上船船又覆沒使者懼而反之竟不能獲及遠創寺既成析心奉請乃飄然自輕往還無梗於是率眾行道昏曉不怠釋迦餘化於斯復興自遠卜居廬阜三十餘年影不出山迹不入俗每送客遊履當以虎溪為界以晉義熙十二年八月初三卒春秋八十三

鳩摩羅什禪師

鳩摩羅什此云童壽天竺人也善經律論化行於西域及東遊龜茲
 龜茲王為造金師子座以處之時符堅僭號關中關外國前部王及龜茲
 王弟並來朝堅堅引見二人說堅云西域多產珍奇請兵往定以求內附
 至堅建元十三年正月太史奏云有星見外國分野當有大德智人入輔
 中國堅曰朕聞西域有鳩摩羅什將非此耶即遣使求之至十八年九月
 堅遣驍將呂光率兵七萬西伐龜茲臨伐堅餞光於建章謂曰夫帝王應
 天而治以子愛蒼生為本豈貪其地而伐之正以懷道之人故也朕聞西
 域有鳩摩羅什深解法相善閑陰陽為後李之宗朕甚思之賢哲者國之
 大寶若尅龜茲即馳驛送什光軍未至什謂龜茲王白紉曰國運衰矣當
 有勍敵從東方來宜恭承之勿抗其鋒純不從而戰光遂破龜茲殺純立
 純弟震為主光既獲什載與俱還中路置軍於山下將士已休什曰不可
 在此必見狼狽宜徙軍隴上光不納是夜果大雨洪潦暴起水深數丈死




者數千光始密而異之什謂光曰此凶亡之地不宜淹雷推遷揆數應速言歸中路必有福土可居光從之至涼州聞符堅已為姚萇所害光三軍縞素大臨城南於是竊號閔外年稱大安二年正月姑臧大風什曰不祥之風當有奸叛然不勞自定也俄而梁燕彭晃相繼而反尋亦殄滅至光龍飛二年張掖臨松瀘水胡沮渠男成及弟蒙遜反推建康太守段業為主遣庶子秦州刺史大原公纂率衆五萬討之時論謂業等烏合纂有威聲勢必全尅光以訪什什曰觀察此行未見其利既而纂敗績於合黎俄又郭磨^焜作亂纂委大軍輕還為磨所敗僅以身免光中書監張資文章士光甚器之資病光廣求救療有外國道又自云能差資疾光喜給賜甚重什知又言詐告資曰又不能為徒煩費耳冥運雖隱可以事試也乃以五色絲作繩結之燒為灰以投水中灰若出水還成繩者則疾難愈頃更灰聚浮出復繩本形既又治無效少日資亡頃之光又卒子紹襲位數日光庶子纂殺紹自立稱元咸寧咸寧二年有猪生子一身三頭龍出東廂井中到殿前蟠卧比旦失之纂以為美瑞號大殿為龍翔殿俄而

有黑龍升於當陽九宮門號為龍興門什奏曰比日潛龍出遊豕妖表異龍者陰類出入有時而今屢見則為災生必有下人謀上之變宜尅已修德以答天戒纂不納與什博戲殺棊曰斫胡奴頭什曰不能斫胡奴頭胡奴將斫人頭此言有旨而纂終不悟光弟保有子名超超小字胡奴後果殺纂斬首立其兄隆為主時人方驗什之言也什停涼積年呂光父子既不弘道教故蘊其深解無所宣化符堅已亡竟不相見及姚萇僭有閔中亦挹其高名虚心要請呂以什智慧神解恐為萇助不許東入及萇卒子興襲位復遣敦請弘始三年三月有樹連理生于廟廷甚茂漸變為莖以為美瑞謂智人應入至五月興遣隴西公碩德西伐呂隆隆軍大破至九月隆上表歸降方得迎什入閔以其年十二月二十日至長安興待以國師之禮甚見優寵初杯度比丘在彭城聞什在長安乃歎曰吾與此子戲別三百餘年杳然未期遲有遇於來生爾什未終少日覺四大不寧乃口出三番神呪令外國弟子誦之以自救未及致力轉覺危殆於是力疾與衆僧告別曰因法相遇殊未盡心方復後世惻愴何言自以闇昧謬克傳

譯凡所出經論三百餘卷惟十誦一部未及刪繁存其本旨必無差失願
凡所宣譯流傳後世咸共弘通今於眾前發誠實誓若所傳無謬者當使
焚身之後舌不焦爛以弘始十一年八月二十日卒于長安是歲晉義熙
五年也即於逍遙園依外國法以火焚屍薪滅形碎惟舌不灰爾

德輝
按原

本缺失此半葉據明釋藏城
字號永樂御製神僧傳補



佛陀耶舍禪師

佛陀耶舍此云覺名罽賓人婆羅門種世事外道有一沙門從其家乞食其父怒使人打之父遂手脚攣蹙不能行止乃問於巫師對曰坐犯賢人鬼神使然也即請此沙門竭誠懺悔數日便瘳因令耶舍出家為其弟子時年十三常隨師遠行於曠野逢虎師欲走避耶舍曰此虎已飽必不侵人俄而虎去前行果見餘殞師密異之至年十五誦經日記二三萬言所住寺常於外分衛廢於誦習有一羅漢重其聰敏恒乞食供之至年十九誦大小乘經數百萬言年二十七方受具戒後至沙勒國時國王不豫請僧齋會太子見而悅之請留宮內供養羅什後至復從舍受學甚相尊敬後羅什往龜茲為呂光所執舍停十餘年乃東適龜茲法化甚盛時什在姑臧遣使要之欲去國人留之停歲許後語弟子云吾欲尋羅什可密裝衣發勿使人知弟子曰恐明日追至不免復還耳耶舍乃取清水一鉢以藥投中呪數十言與弟子洗足即便夜發比至旦行數百里問弟子曰何

所覺耶答曰唯聞疾風之響眼中淚出耳耶舍又與呪水洗足住息明日國人追之已差數百里不及行達姑臧而什已入長安聞姚興逼以妾媵勸為非法乃歎曰羅什如好綿何可使入棘林中什聞其至姑臧勸姚興迎之興未納頃之興命什譯出經藏什曰夫弘宣法教宜令文義圓通貧道雖誦其文未善其理唯佛陀耶舍深達函致今在姑臧願詔徵之一言三詳然後著筆使微言不墜取信千載也興從之即遣使招迎厚加贈遺悉不受乃笑曰明旨既降便應載馳檀越待士既厚脫如羅什見處信未敢聞命使還具說之興歎其慎重至長安興自出候問別立新省於逍遙園中四事供養並不受時至分衛一食而已耶舍先誦曇無德律偽司隸校尉姚爽請令出之乃試耶舍令誦羗籍藥方可五萬言經一日執文覆之不誤一字衆服其強記即以弘始十二年譯出四分律凡四十四卷并出長阿含等涼州沙門竺佛念譯為秦言道含筆受至十五年解座興覲耶舍布絹萬匹悉不受道含佛念布絹各千匹各德沙門五百人皆重覲施耶舍後辭還外國至罽賓得虛空藏經一卷寄賈客傳與涼州諸僧後

曇無竭禪師

釋曇無竭此云法勇姓李氏幽州黃龍人幼為沙彌便修善行持戒誦經為師僧所重嘗聞法顯等躬踐佛國乃慨然有忘身之誓遂以宋永初元年招集同志沙門僧猛等共資幡蓋供養之具遠適西方初至河南國仍出海西郡入流沙到高昌郡經歷龜茲沙勒諸國登慈嶺度雪山進至罽賓國禮拜佛鉢停歲餘學梵書梵語求得觀世音受記經梵文一部復西行至辛頭那提河緣河西入月氏國禮拜佛肉髻骨及觀自沸水船後至檀特山南石雷寺住僧三百餘人雜三乘學無竭停此寺受大戒復行向中天竹界路既空曠唯賈石蜜為糧雖屢經危棘而繫念所賈觀世音經未嘗蹙廢將至舍衛國中野逢山象一群無竭稱名歸命即有師子從林中出象驚惶奔走後度恒河復值野牛一群鳴吼而來將欲害人無竭歸命如初尋有大鷲飛來野牛驚散遂得免之後於南天竺隨船汎海達廣州其所譯出觀世音受記經今傳于京師後不知所終



佛馱跋陀羅禪師

佛馱跋陀羅此云覺賢本姓釋氏迦維羅衛人甘露飯王之苗裔也幼喪父母從祖鳩婆利聞其聰敏兼悼其孤露乃迎還度為沙彌至年十七與同學數人俱以習誦為業衆皆一月賢一日誦畢其師歎曰賢一日敵三十夫也及受具戒修業精勤博學群經多所通達少以禪律馳名常與同學僧伽達多共遊罽賓同處積載達多雖服其才明而未測其人也後於密室閉戶坐禪忽見賢來驚問何來答云暫至兜率致敬彌勒言訖便隱達多知是聖人未測深淺後屢見賢神變乃敬心祈問方知得不還果常欲遊方弘化備觀風俗曾有秦沙門智嚴西至罽賓觀法衆清淨乃慨然東顧曰我諸同輩斯有道志而不遇真匠發悟莫由即諮詢國衆孰能流化東土僉云佛馱跋陀其人也嚴既要請苦至賢遂愍而許焉於是捨衆辭師裹糧東逝步驟三載綿歷寒暑既度悉嶺路經六國國主矜其遠化並傾懷資奉至交趾乃附舶循海而行經一島下賢以手指山曰可止於



此船主曰客行惜日調風難遇不可停也行二百餘里忽風轉吹船還向島下衆人方悟其神咸師事之聽其進止後遇便風同侶皆發賢曰不可動船主乃止既而有先發者一時覆敗後於闇夜之中忽令衆船俱發無肯從者賢自起收纜唯一船獨發俄爾賊至留者悉被抄害頃之至青州東萊郡聞鳩摩羅什在長安即往從之什大忻悅共論法相振發玄微多所悟益時秦主姚興專志佛法供養三千餘僧並往來宮闕盛修人事唯賢守靜不與衆同後語弟子云我昨見本鄉有五船俱發既而弟子傳告外人關中舊僧咸以為顯異惑衆僧道恒等謂曰佛尚不聽說已所得法先言五船將至虛而無實又門徒誑惑互起同異既於律有遠理不同止宜可時去勿得停留賢曰我身若流萍去留甚易但恨懷抱未伸以為慨然耳於是與弟子慧觀等四十餘人俱發神志從容初無異色識真之衆咸共歎惜道俗送者千有餘人姚興聞去悵快乃謂道恒曰佛賢沙門挾道來遊欲宣遺教滅言未吐良用深慨豈可以一言之咎令萬夫無導因勅令追之賢謂使曰誠知恩旨無預聞命於是率侶宵征南指廬岳沙門

釋慧遠久服風名聞至欣喜傾蓋若舊遠以賢之被擯過由門人若懸記五船止說在同意亦於律無犯乃遣弟子曇鸞致書姚主及關中衆僧解其擯事遠乃請出禪數諸經賢志在遊化居無求安住山歲許復西適江陵遇外國船主既而訊訪果是天竺五船先所見者也傾境士庶競來禮事其有奉施悉皆不受持鉢分衛不問豪賤時陳郡袁豹為宋武帝太尉長史宋武南討劉毅豹隨府屈于江陵賢將弟子慧觀詣豹乞食豹素不敬信待之甚薄未飽辭退豹曰似未足且復少留賢曰檀越施心有限故今所設已罄豹即呼左右益飯飯果盡豹大慙赧既而問慧觀曰此沙門何如人觀曰德量高遠非凡所測豹深歎異以啓太尉太尉請與相見甚崇敬之資供備至俄而太尉還都請與俱歸安止道場寺以元嘉六年卒春秋七十有一

杯渡禪師

杯渡者不知姓名常乘木杯渡水人因目之初在冀州不修細行神力卓越世莫測其由嘗於北方寄宿一家家有一金像渡竊而將去家主覺而追之見渡徐行走馬逐之不及至于孟津河浮木杯於水憑之渡河不假風棹輕疾如飛俄而及岍達于京師見時可年四十許帶索繼縷殆不蔽身言語出沒喜怒不均或嚴冰叩凍洗浴或著履上山或徒行入市唯荷一蘆圖音子更無餘物嘗從延賢寺法意道人處意以別房待之後欲往瓜步江於江側就航人告渡不肯載之復累足杯中顧盼言詠杯自然流直渡北岍向廣陵遇村舍李家八關齋先不相識乃直入齋堂而坐置蘆圖於中庭衆以其形陋無恭敬之心李見蘆圖當道欲移置牆邊數人舉不能動渡食竟提之而去笑曰四天王李家于時有一豎子窺其圖中有三小兒並長數寸面目端正衣裳鮮潔於是追覓不知所在後數日乃見在西界象龍樹下坐李禮拜請還家百日供養渡不甚持齋飲酒噉肉至



於辛鱠與俗無異百家奉上或受不受沛國劉興伯為兗州刺史遣使要之負圖而來興伯使人舉視十餘人不勝伯自看唯見一敗衲及一木杯後還李家復得二十餘日清旦忽云欲得一袈裟中時令辦李即經營至中未成渡云暫出至暝不返合境聞有異香疑之為怪處覓渡乃見在北巖下敷敗袈裟於地卧之而死頭前脚後皆生蓮華極鮮香一夕而萎邑共殯壘之後數日有人從北來云見渡負蘆圖行向彭城乃共開棺髀履存焉既至彭城遇有白衣黃欣深信佛法見渡禮拜請還家家至貧但有麥飯而已渡其之怡然止得半年忽語欣云可覓蘆圖三十六枚吾須用之答云此間止可有十枚貧無以買恐不盡辦渡曰汝但檢覓宅中應有欣即窮檢果得三十六枚列之庭中雖有其數亦多破敗比欣次第熟視皆已新完渡密封之因語欣令開乃見錢帛皆滿可堪百許萬識者謂是杯渡分身他土所得颺施迴以施欣欣受之皆為功德經一年許辭去欣為辦糧食明晨見糧食具存不知渡所在後東遊入吳郡路見釣魚師因就乞魚魚師施一饒者渡手弄反覆還投水游活而去又見網師更從

乞魚網師瞋罵不與渡乃拾取兩石子擲水中俄而有兩水牛鬪其網中網既碎敗不復見牛渡亦已隱行至松江乃仰蓋於水中乘而渡岍經涉會稽剡縣登天台山數月而返京師少時遊止無定請召或往不往時南州有陳家頗有衣食渡往其家甚見迎奉聞都下復有一杯渡陳父子五人咸不信往都下看之果如其家杯渡形相一種陳設一合蜜薑及刀子薰陸香手巾等渡即食蜜薑都盡餘物宛在膝前其父子五人恐是其家杯渡即畱二弟停都守視餘三人還家家中杯渡如舊膝前亦有香刀子等但不噉蜜薑為異爾乃語陳云刀子鈍可為磨之二弟還都云彼渡已移靈鷲寺一日忽求黃紙兩幅作書書不成字合同其背陳問上人作何券書渡不答竟莫測其然時吳部民朱靈期使高麗還值風舶飄經九日至一洲邊洲上有山山甚高大入山採薪見有人路靈期乃將數人隨路告乞行十餘里聞磬聲香烟於是共稱佛禮拜須臾見一寺甚光麗多是七寶莊嚴又見十餘石人乃共禮拜還反行少許聞唱道聲還住更看猶是石人靈期等相謂此是聖僧吾等罪人不能得見因共竭誠懺悔更往

乃見真人為靈期等設食食味是菜而香美不同世食竟共叩頭禮拜乞
速還至鄉有一僧云此間去都乃二十餘萬里但令至心不憂不速也因
問靈期云識杯渡道人不答言甚識因指北壁有一壺掛錫杖及鉢云此
是杯渡住處今因君以鉢與之并作書著函中別有一青竹杖語靈期云
但擲此杖置舫前水中開船靜坐不假勞力必令速去於是辭別令一沙
彌送至門上語云此道去行十里至船不須從先路去也如言西轉行七
里許至船即具如所示唯開舫從山頂樹木上過都不見水經三日至石
頭淮而住亦不復見竹杖所在舫入淮至朱雀乃見杯渡騎大航蘭以捶
捶之曰馬馬何不行觀者甚多靈期等在舫遙禮之渡乃自下舫取書并
鉢開書視之字無人識者渡大笑曰使我還耶取鉢擲雲中還接之曰我
不見此鉢四千年矣渡多在征賢寺法意處時世以此鉢異物競往觀之
有庾常婢偷物而叛四追不擒乃問杯渡云已死在金城江邊空塚中往
看果如所言孔窳子時為黃門侍郎在家患痢遣信請渡渡呪竟云難差
見有四鬼皆被傷截窳子泣曰昔孫恩作亂家為軍人所破二親及叔皆

被痛酷窳子果死又有齊諧妻胡母氏病衆治不愈後請僧設齋齋座有
僧勸迎杯渡既至一呪病者即愈齊諧伏事為師因作傳記其從來神異
不可備記元嘉三年九月辭諧入東雷一萬錢物寄諧倩為營齋於是別
去行至赤山湖患病而死諧即為營齋并接屍還塋建康覆舟山至四年
有吳興邵信者甚奉法遇傷寒病無人敢看乃悲泣念觀音忽見一僧來
云是杯渡弟子語云莫憂家師尋來相看答云渡死已久何容得來道人
云來復何難便衣帶頭出一合許散與服之病即差又有杜僧哀者住在
南崗下昔經伏事杯渡兒病甚篤乃思念恨不得渡與念神呪明日忽見
渡來言語如常即為呪病者便愈至五年三月渡復齊諧家呂道惠聞而
視之杜天期也須臾門上有一僧喚渡便辭去云貧道向交廣之間不復
來也齊諧持拜送慇懃於是絕迹頃世亦言時有見者一日見形洛水上
衆皆大驚語丘熙等年當大凶可勤修福業法意道人甚有德可往就之
脩立故寺以禳災禍



寶公禪師

沙門寶公者高山高樓士也旦從林慮向白鹿山因迷失道日將隅中忽聞鐘聲尋響而進巖岫重阻登陟而趨乃見一寺獨據深林三門正南赫奕輝煥前至門所看額靈隱之寺門外五六犬其大如牛白毛黑喙或踴或卧迴眸盼寶寶怖將返頃更見胡僧外來寶喚不應亦不迴顧直入門內犬亦隨入良久寶見人漸次入門屋宇四周房門並閉進至講堂惟見床榻高座灑然寶入西南隅床上坐久之忽聞東間有聲仰恍見開孔如井大比丘前後從孔飛下遂至五六十人依位坐訖自相借問今日齋時何處食來或言豫章成都長安隴右薊北嶺南五天竺等無處不至動即千萬餘里末後一僧從空而下諸人競問來何太遲答曰今日相州城東彼岍寺鑒禪講會各各豎義有一後生聰俊難問詞音鋒起殊為可觀不覺遂晚寶本事鑒為和尚既聞此語望得參話因整衣而起白諸僧曰鑒是寶和尚諸僧直視寶頃之已失靈隱寺所在寶但獨於柞木之下一無

孝持神大生
九卷
九
所見唯觀巖谷禽鳥翔集喧亂及出山以問尚統法師尚曰此寺石趙時
佛圖澄法師所造年歲久遠賢聖居之非凡所住或沉或隱遷徙無定今
山行者猶聞鐘聲



智瑛禪師

釋智瑛俗姓張氏清河人年二十二親俱逝染疾經歲月醫藥無効夢神就瑛身次第吸嗽齧三夜稍痊遂求離俗聞智者執行超群為世良導即泛舸豐流直指台岫伏膺受道乃遣行法華懺悔第二七日初夜懺訖還就禪床如欲安坐乃見九頭龍從地湧出上昇虛空明旦諮白智云此是表九道眾生聞法華經將來之世破無明地入法性空爾陳至德四年住寶林寺行法華三昧初日初夜如有人來搖動戶扇瑛問之汝是何人夜來搖戶即長聲答云我來看燈爾頻經數過問答如前其寺內先有大德慧成禪師夜具聞之謂弟子曰彼堂內從來有大惡鬼今聞此聲必是鬼來取人也天將欲曉成師扣戶而喚瑛未暇得應便繞堂唱云善哉善哉其人矣瑛即開戶問意答云汝猶在耶吾謂昨夜鬼已害汝故此嗟耳第二日夜鬼入堂內搥壁打柱周遍東西堂內六燈瑛即滅五留一行道坐禪誦經坦然無懼於三七日

中事恒如此行法將訖見一青衣童子稱讚善哉言已不見以貞觀十二年卒于寺



三教搜神大全 卷六 十一
大志禪師

僧大志會稽頌氏子發家出家師事天台智者智者見其形神洒落高放物表取名大志誦法華經索然閑靜音聲清轉聽者忘疲後於廬山甘露行頭陀行有時投身猛獸彼皆避去食粒若盡惟以餅果繼命而已如是七載禪誦不休晚住持福林寺會大業中屏除佛教慨大法陵遲遂衣著孝衣於佛堂中慟哭三日擔捨形骸申明正教即往東都上表曰願陛下興隆三寶貧道當然一辭於嵩岳用報國恩帝許之遂設大齋士衆通集師絕糧三日登大棚中布裹其辭灌之以蠟如炬燃之光照巖岫晃然大明衆見苦行痛入心髓而志形色不變或誦經文或讚佛德或為衆說法聲聲不絕燒已下棚跏趺入定七日而卒



玄奘禪師

釋玄奘本名禘姓陳氏洛州緱氏人也奘失怙恃少罹窮酷隨兄長隸法師住靜土寺授以精理旁兼巧論年十一誦維摩法華東都恒度便預其次自爾卓然梗正不偶欲慕大法後達長安住莊嚴寺又非本望西踰劍閣既達蜀都受諸經論一聞不忘武德五年二十有一為諸學府雄伯沙門講揚心論不窺文相而誦注無窮時曰神人後又遍遊荆揚等州訪諸道隣復還京輦廣就諸蕃徧學書語行坐尋授數日博通惟候機會貞觀三年會灾下敕道俗隨豐四出由斯得往西域取諸經像行至罽賓國道險虎豹不可過奘不知為計乃鎖房門而坐至夕開門見一老僧頭面瘡痍身軀膿血牀上獨坐莫知由來奘乃禮拜勤求僧口授多心經一卷令奘誦之遂得山川平易道路開通虎豹藏形魔鬼潛跡遂至佛國取經六百餘部以貞觀十九年還京師下敕令住玉華翻譯經藏奘生常已來願生彌勒及遊西域又聞無著兄弟皆生彼天又頻祈請咸有顯證後至玉

華但有隙次無不發願麟德元年告翻譯僧及門人曰有為之法必歸磨滅泡影形質何得久停行年六十五必卒玉華於經論有疑者今可速問聞者驚異師曰此事自知遂往辭佛及諸僧衆既卧疾常見大蓮花鮮白而至又見佛相命僧讀所翻經論名目已總有七十三部一千三百三十卷自懷欣悅總召門人有緣並集云無常將及急來相見於嘉壽殿以香木樹菩提像骨對寺僧辭訣并遺表訖便默念彌勒右脇累足右手支頭左手脛上堅然不動氣絕神逝兩月色貌如常乃塋於白鹿原初奘將往西域於靈岩寺見有松一樹奘立於庭以手摩其枝曰吾西去求佛教汝可西長君吾歸即却東迴使吾弟子知之及去其枝年年西指約長數丈一年忽東迴門人弟子曰教主歸矣乃西迎之奘果還至今衆謂此松為摩頂松



元珪禪師

釋元珪姓李氏伊闕人大通禪要深入玄微卜廬于嶽中龐塢時有我冠者部曲繁多稱謁師珪覩其貌偉精爽不倫謂之曰善來仁者胡為而至曰師寧識我耶珪曰吾觀佛與衆生等吾一目之豈分別識也對曰我此嶽神也吾能利害生死於人師安得一目我哉珪曰汝能生死於人吾本不生汝焉能死吾視身與空等視吾與汝等汝能壞空與汝乎苟能壞空及汝吾則不生不滅也汝尚不能如是又焉能生死吾耶嶽神稽首再拜曰我亦聰明正直於餘神豈能知師有廣大之智辨乎願受正戒令我度世助其威福珪曰神既乞戒即既戒矣所以者何戒外無戒又何戒哉神曰此理也我聞茫昧止求師戒我身為門弟子珪辭不獲即為張座焚香秉爐正几曰付汝五戒汝能奉持即嚮曰能不能即曰否神曰洗耳傾听虚心納教珪曰汝能不媯乎神曰亦娶也曰非謂此也謂無羅欲也神曰能曰汝能不盜乎神曰何乏我也焉有盜取哉曰非謂此也謂饗而福淫

不供而禍善也神曰能曰汝能不殺乎神曰政柄在躬焉能不殺曰非謂此也謂有濫誤混疑也神曰能曰能不妄乎曰吾本正直焉能有妄曰非此謂也謂先後不合天心也神曰能曰能不遭酒敗乎神曰力能珪曰如上即佛戒也又言以有心奉持而無心拘執以有心為物而無心想身能如是則先天地生不為精後天地死不為老終日變化而不為動寂默而不為休悟此則雖娶非妻也雖享非取也雖柄非權也雖作非故也雖醉非昏也若能無心於萬物則羅欲不為媿福淫禍善不為盜濫誤混疑不為殺先後違天不為妄昏荒顛倒不為醉是謂無心也無心則無戒無戒則無心無佛無衆生無汝及無我無我無汝孰能戒哉神曰我神通亞佛珪曰女神通十句五能五不能佛則七能三能神悚然避席啓跪頌恭曰可得聞乎曰汝能候暗上帝東天行而西七曜乎曰不能又曰汝能奪地祇融五嶽而結四海乎曰不能珪曰是為吾不能也又曰佛能空一切相威萬法智而不能即滅定業能知群有性窮億劫事而不能化導無緣佛能度無量有情而不能盡衆生如是為三不能也定業亦不牢久無緣亦

謂一期衆生界本無增減亘無一人能主有法無主是謂無法無法無主是謂無心如我解佛亦無神通也但能以無心通達一切法耳作用冥見有情前也若有心有作用必不普周焉嶽神曰我識淺昧未聞空義願師授我戒我當奉行更何業因可拘塵界我願報慈德珪曰吾觀身無物觀無常法窟塊然更有何欲神曰師必命我為世間事展我小小神功使已發心初發心未發心不信心必信心五等人目我神蹤知有佛有神有能有不能自有自然有非自然者珪曰無為是無為是神曰佛亦使神護法師寧隳叛佛耶隨意垂誨珪不得已而言曰東巖寺之障也莽然無樹北岫有之而背非屏擁汝能移此樹於東嶺乎神曰已聞命矣又曰我必昏夜風雨擺搖震運頭師無駭即作禮辭去珪門送而觀之見儀衛如王者之行仗其夕果有暴風吼雷奔雲震電隆棟壯宇岌礫將圯定僧膽動宿鳥聲狂互相敲磕蓋物不安所乃謂衆僧曰無怖無怖神與我契矣詰旦和霽則北巖松栝盡移東嶺森然行植焉珪謂其徒曰吾歿後無令外知若為口實人將妖我也以開元四年卒

通玄禪師

通玄姓李氏太原東北人也舉動之間不可量度身長七尺餘形貌紫色眉長過目髭鬚如畫髮紺而螺慈放曠自得靡所拘絆而該博古今洞精儒釋開元七年春自定襄而至孟縣之高家造論演暢華嚴不出戶庭幾于三載每日食棗十顆栢葉餅一枚餘無所須嘗贊其論并經往韓氏莊中路遇一虎玄撫其背以所負經論搭載去去龕中虎弭耳前行又造論之時室無脂燭每夜秉翰於口兩角出白色光長尺餘炳然二女子韶顏都雅每日饋食一奩于龕前玄食已徹噐而去凡經五載至於紙墨供送無虧論成泯然不現所造論四十卷總括八十卷經之文義次決疑論四卷一日鄉人聚飲之次玄來謂之曰汝等好住吾今去矣鄉人驚怪謂為他適乃曰吾終矣皆悲泣戀慕送至土龕曰去往常也鄉人下坡迴顧其處雲霧昏暗至子時儼然坐亡龕中白色光從頂出上徹太虛即開元十八年三月二十八日也報齡九十六達旦數人登山見其龕室內蛇虺填



三教搜神大全 卷之六
滿莫得而前相與啟告蛇虺交散少長追感結輿迎于太山之北甕石為墳而葬之



三教搜神大全

卷之六

七

一行禪師

釋一行俗姓張氏鉅鹿人也本名遂早歲不群聰黠明利讀書不再已暗誦矣師事普寂禪師時有盧鴻者持其文至寺一行一覽之即無遺忘鴻驚謂寂曰非君所能教也當縱其遊學一行因窮大衍自此求訪不下數千里嘗至天台國清寺見門前有流水一行立於門屏間聞院中僧於庭布筴其聲較較既而謂其徒曰今日當有弟子求吾筴法已合到門豈無人導達耶即除一筴又謂曰門前水合却西流弟子當至一行承言而入稽首請法盡授其術而門水復東流矣自此聲振遐邇玄宗聞之召令入內謂曰卿何能對曰善記覽玄宗因召掖庭取宮人籍以示之周覽既畢覆其本記念已熟如素所習讀數幅之後玄宗不覺降榻為之作禮呼為聖人嗟嘆良久尋乃詔對無恒占其灾福若指于掌言多補益玄宗開元九年太史上言麟德曆寢踈日食屢不效帝詔可禪師更造新曆奉詔推數立術以應之撰開元太衍曆一行於癸亥十月制黃道儀成帝自為之

銘詔安武成殿以示百官其儀準員天之象具列宿赤道度数注水注水激輪冷其自轉一晝夜而天運一周外絡二輪綴以日月令得運行每天東行一周日西行一度月行十三度以木櫃為平地令儀半在地下晦明朔望有準立木二於地平其一前置鼓以候刻至一刻則自擊之其一前置鐘以候辰至一辰則自撞之皆略施輪軸交錯相持稱為神功邢和璞謂太史令尹愔曰一行禪師其聖人乎漢之洛下閎造大衍曆記云後八百歲當差一日則有聖人以糾正之今年期差滿而一行師造大衍曆以糾數家之謬則洛下閎之言不誣矣愔深以為然一行又嘗詣道士尹崇借楊雄太玄經數日復詣崇還其書崇曰此書意旨深遠吾尋之積年尚不能曉吾子試更研求何處見還也一行曰究其義因出所撰大衍玄圖及義訣一卷以示崇上大嗟伏謂人曰此後生顏子也初一行幼時家貧隣有王姥前後濟之約數十萬一行嘗思報之至開元中一行承玄宗敬遇言無不可未幾會王姥兒犯殺人獄未具姥詣一行求救一行曰姥要金帛當十倍贖也君上執法難以情求如何王姥戟手大罵曰何用識此

僧一行從而謝之終不顧一行心計渾天寺中工役數百乃命空其室內徒一大甕於中密選常住奴二人授以布囊謂曰某方其角有廢園汝往潛伺徙午至昏當有物入來其數七者可悉掩之失一則杖汝如言而往至酉後果有群豕至悉獲而歸一行大喜令實甕中覆以木蓋封以六一泥朱題梵字數十其徒莫測詰朝中使扣門急召至便殿玄宗迎問曰太史奏昨夜北斗不見是何祥也師有以禳之乎一行曰後魏時失熒惑若今帝星不見古所無者天將大警於陛下也夫匹夫匹婦不得其所則隕霜赤旱盛德所感乃能退舍感之切者其在壘枯出繫乎釋門以瞋心壞一切善慈心降一切魔如臣曲見莫若大赦天下玄宗從之命中使持節大赦天下於是王姥兒亦在赦中然終不知一行之力也一行亦不自以為功而言之至其夕太史奏北斗一星見凡七日而復帝嘗問國祚幾何有留難否行曰鑿輿有萬里之行社稷終吉帝驚問其故不答退以小金合進之曰至萬里即開帝一日發合視之蓋當歸少許及祿山亂駕幸成都至萬里橋忽悟未幾果歸昭宗初封吉王唐至昭宗而滅故終吉至開元末裴寬為河南尹寬深信佛法師事普寂禪師日夕造焉或一日寬詣寂寂云方有少事未暇款語且請逕迴休息寬乃屏賓從止於空室見寂潔滌正堂焚香端坐坐未久忽聞扣門連聲云天師一行和尚至矣一行入詣寂作禮禮訖附耳密語其貌絕恭寂但頷云無不可者語訖復禮禮訖又語如是者三寂唯云是是無不可者一行語訖階入南堂自闔其戶寂乃徐命弟子云速聲鐘一行和尚滅度矣左右疾走視之一如其言滅度後寬服縗經葬之日徒步出城送之春秋四十五帝哭之哀甚輟朝三日停龕三七日行容貌如生帝親製碑書于石出內庫錢五十萬建塔銅人原謚曰大慧禪師



無田長禪師

釋無畏三藏本天竺人讓國出家道德各稱為天竺之冠所至講法必有異相初自天竺至所司引謁於玄宗玄宗見而敬信焉因謂三藏曰師不遠而來故倦矣欲於何方休息耶三藏進曰臣在天竺時嘗聞大唐西明寺宣律師持律第一願往依止焉玄宗可之宣律禁戒堅苦焚修精潔三藏飲酒食肉言行麤易往往乘醉喧競穢汚茵席宣律頗不能甘之忽中夜宣律捫虱將投于地三藏半醉連聲呼曰律師律師撲死佛子耶宣律方知其為異人也整衣作禮而師事焉在洛時有巨蛇高丈餘長且百尺其狀甚異蟠遶出於山下洛民咸見之畏語曰此蛇欲決水瀦洛城即說佛書義其蛇至及則駕風露來若傾聽狀畏責之曰爾蛇也當居深山中用安其所何為將欲肆毒於世耶速去無患生人其蛇聞之若有慙色遂俯于地頃而死焉其後安祿山據洛陽盡毀宗廟果符其言開元十年七月旱帝遣使詔無畏請雨畏持滿鉢水以小刀攪之誦呪數番即有物如

虬龍從鉢中矯首水面畏咒遣之白氣自鉢騰涌語詔使曰速歸雨即至
 矣詔使馳出頃刻風雷震電詔使趨入奏御衣襟已透濕霖雨彌日而息
 又嘗滂雨逾時詔畏止之畏捏泥媪五軀向之作咒語叱罵者即刻而霽
 嘗過龍河以一索駝負經沒水畏懼經失遽隨之入水於是龍王邀之入
 宮講法為留三宿而出所載梵夾不濕一字其神異多類此德輝按原本
 缺失此半葉
據明釋藏城字號永
 樂御製神僧傳補




金剛智禪師

釋跋日羅善提華言金剛智南印度摩賴耶國人也生數歲日誦萬言目覽心傳終身不忘年十六開悟佛理乃削染出家從師歷遊諸國至開元中達于廣府後隨駕洛陽其年自正月不雨迨于五月嶽瀆靈祠禱之無應乃詔智結壇祈請於是用不空鈎依菩薩法在所住處起壇深四肘躬繪七俱胝菩薩像立期以開光明日定隨雨焉帝使一行禪師謹密候之至第七日炎氣熾熾熾熾天無浮翳午後方開眉眼即時西北風生飛瓦拔樹崩雲泄雨遠近驚駭而結壇之地穿穴其屋洪注道場質明京師士庶皆云智獲一龍穿屋飛去求觀其處日千萬人初帝之第二十五公主甚鍾其愛久疾不救移卧於咸宜外館閉目不語已經旬朔有敕令智授之戒法智使牛仙童寫敕一紙焚於琰摩王食頃琰王令公主亡保母劉氏護送公主竟歸於是公主起坐開目言語如常帝聞之不俟駕馳往外館公主曰冥數難移今王遣回略覲聖顏而已可半日間然後長逝自爾

帝方加歸仰焉武貴妃寵異六宮存施寶玩智勸貴妃急造金剛壽命善薩又勸河東郡王於毘盧遮那塔中繪像謂門人曰此二人者壽命非久矣經數月皆如其言至二十年壬申八月命門人曰白月圓時吾當去矣遂禮毘盧遮那佛旋遶七帀寂然而化

鑑源禪師

釋鑑源不知何許人素行甄明後講華嚴經號為勝集日供千人粥食其
倉簞中米粟總數百斛取之不竭沿夏涉秋未嘗告匱實感如此後多徵
應有慧觀禪師見三百餘僧持蓮燈凌空而去歷歷如流星焉開元中崔
冀公寧疑其妖妄躬自入山宿預禁山四方面各三十里火光至第三夜
有百餘支燈現兼紅光可千餘尺冀公蹶然作禮歎未曾有時松間出金
色手長七尺許有二菩薩黃白金色閃爍然復庭前栢樹上晝現一燈其
明如日橫布玻瓈山可三里所寶珠一顆圓一丈熠爚可愛西嶺山門懸
大虹橋橋上梵僧老叟童子間出有二炬爛然空中如相迎送交過之狀
下有四菩薩兩兩偶立放通身光可高六七十尺復見大松林後忽有寺
額篆書三學字又燈下垂繡帶二條東林之間夜出金山月當子午金銀
二色燈列於知鉉師墳側常南康臯每三月就寺設三百菩薩大齋菩薩
現相焉



嬾殘禪師

嬾殘者唐天寶初衡嶽寺執役僧也退食即收所餘而食性嬾而食殘故號嬾殘也書專一寺之工夜止群牛之下曾無倦色已二十年矣時鄴侯李泌寺中讀書察嬾殘所為曰非凡物也聽其中宵梵唱響徹山林李公情頗知音能辨休戚謂嬾殘經音先悽惋而後喜悅必謫墮之人時將去矣候中夜李公潛往謁焉聖席門通名而拜嬾殘大詬仰空而唾曰是將賊我李公愈加謹敬唯拜而已嬾殘正撥牛糞火出芋啗之良久乃曰可以席地取所啗芋之半以授焉李公捧承盡食而謝謂李公曰慎勿多言領取十年宰相公又拜而退居一月刺史祭嶽脩道甚嚴忽中夜風雷而一峰頽下其綠山磴道為大石所攔乃以十牛縻絆以挽之又以數百人鼓噪以推之物力竭而石愈固更無他途可以脩事嬾殘曰不假人力我試去之衆皆大笑以為狂人嬾殘曰何必見唾試可乃已寺僧笑而許之遂履石而動忽轉盤而下聲若震雷山路既開寺僧皆羅拜一郡皆呼至



三教搜神大全 卷六 三十四
聖刺史奉之如神嬾殘悄然乃懷去意寺外虎豹忽爾成群日有殺傷無
由禁止嬾殘授我箒為爾盡驅除之衆皆曰大石猶可推虎豹當易制遂
與之荆挺皆躡而觀之終出門見一虎啣之而去嬾殘既去虎亦絕蹤後
李公果十年為相也



西域僧禪師

釋天竺亡名僧者未詳何印度人也其貌惡陋纏乾陀色縵條衣穿革屣曳鐵錫化行于京輦當常臯之生也纒三日其家召僧齋此僧不召自來常氏家僮咸怒之以弊席坐于庭中既食常氏命乳母出嬰兒請群僧視其壽胡僧忽自升階謂嬰兒曰別久無恙乎嬰兒若有喜色衆皆異之常氏先君曰此子生纒三日吾師何故言別久耶胡僧曰此非檀越之所知也常氏固問之胡僧曰此子乃諸葛武侯之後身耳武侯當東漢之季為蜀丞相蜀人受其賜且父今降於世將為蜀門帥宜蜀人之福吾往歲在劍門與此子友善今聞降生常氏吾故不遠而來常氏異其言因以武侯字之後常臯自少金吾節制劍南軍累遷太尉兼中書令在蜀閒十八年果契胡僧之語也



本淨禪師

釋本淨未詳何許人道氣高抗聞閩嶺多禪宗識歷往叅之又聞長溪霍童山多神仙洞府然山中不容凡俗淨乃入山結茅為室室側有毒龍石穴其龍天矯而出變現無恒遂呼召之而馴擾焉又諸猛虎橫路為害樵者不敢深入淨撫其頭誠約叮寧虎弭耳而去嘗清宵有九人冠幘袴褶稱寄宿盡納諸菴內明旦告辭偕化為鶴鳴唳空中而去淨後罔知其終



地藏王菩薩

職掌幽冥教主十地閻君率朝賀成禮相傳王舍城傳羅卜法名目捷連嘗師事如來救母於餓鬼群叢作盂蘭勝會歿而為地藏王以七月三十日為所生之辰士人禮拜或曰今青陽之九華山地藏是也按傳新羅國僧唐時渡海居九華山年九十九忽召徒眾告別但聞山鳴石墮俄跏趺坐於函中泊三稔開將入塔顏貌如生昇之動骨節若金鎖焉故曰金地藏以是知傳者之誤



山廟

嵩岳伏僧禪師

嵩岳破竈墮和尚隱居嵩山山有廟甚靈惟安一竈祭無虛日師入廟以杖擊竈云此泥瓦合成聖從何來靈從何起又擊三下竈乃傾破墮落須臾一青衣人設拜師前曰我本此竈神久受業報蒙師說無生法得脫此生特來禮謝再拜而去少頃徒衆問師竈神得何經旨便得生天師曰我只向伊道是泥瓦合成別無道理為伊衆無語師良久云會麼衆云不會師曰本有之性為什麼不會衆僧乃禮拜師曰破也墮也於是其衆大悟
玄旨



知玄禪師


悟達國師知玄與一僧邂逅京師時僧患迦摩羅疾人莫知其異也皆厭惡之知玄視候無倦色後別僧謂知玄曰子後有難可往西蜀彭州茶隴山相尋有二松為誌後玄居安國寺懿宗親臨法席賜沉香為座恩渥甚厚忽膝生人面瘡眉目口齒俱備每以飲食餒之則開口吞啖與人無異求醫莫效因憶舊言乃入山相尋見二松於烟雲間信所約不誣即趨其處佛寺煥儼僧立于山陰顧接甚歡天晚止宿知玄以所苦告之曰無傷也山有泉且濯之即愈黎明童子引至泉所方掬水間瘡忽人語曰未可洗公曾讀西漢書不曰曾讀既曾讀之寧不知袁盎殺晁錯乎公即袁盎吾晁錯也錯腰斬東市其冤何如哉累世求報於公而公十世為僧戒律精嚴報不得其便今汝受賜過奢名利心起故能害之蒙迦諾迦尊者洗我以三昧法水自此不復為冤矣時知玄竟不住體急掬水洗之其痛徹髓絕而復蘇其瘡亦旋愈回顧寺宇莽不復見因卓菴其處遂成大寺知

玄感其異思積世之冤非遇聖賢何由得釋因述懺法三卷蓋取三昧水洗冤業之義名曰水懺



三改復申木全

六



表打不之全

五

青衣神

青衣神即蠶叢氏也按傳蠶叢氏初為蜀侯後稱蜀王嘗服青衣巡行郊野教民蠶事鄉人感其德因為立祠祀之祠廟遍於西土罔不靈驗俗槩呼之曰青衣神青神縣亦以此得名云宋謝枋得蠶有詩云

詩曰

養口資身賴以桑

終成王道澤流長

吐絲不羨蜘蛛巧

飼葉頻催織女忙

三起三眠時化運

一生一死命天常

待看獻繭盆纒后

先與君王作袞裳



九鯉湖仙

九鯉仙乃是福建興化府仙遊縣何通判妻林氏生有九子皆瞽目止有大公子一目不瞽其父一日見之大怒欲害之其母知竟速命人引九子逃至仙遊縣東北山中修煉名曰九仙山又居湖側煉丹丹成各乘赤鯉而去故湖名九鯉廟在湖上最靈驗每大比歲各郡中士子祈夢于此信若著蔡

本朝黃孟良感其事賦詩一律以紀之云

詩曰

人已登仙鯉化龍

伊誰湖上構仙宮

石遺丹竈潺湲裏

雲鎖瓊樓縹渺中

青鳥去來猶夜月

碧桃開落自春風

此行不為却郵夢

擬向邳橋遇石公



張天師

天師者漢張道陵也子房八世孫光武建武間生於吳天目山李長生法術隱北邙山章帝和帝累召不起久之徧遊名山東抵吳安雲錦溪升高而望曰是有異境緣衍流而之云錦洞有岩焉煉丹其中三年青龍白虎旋遶於上丹成餌之時年六十容貌益少又得秘書通神變化驅除妖鬼後於蜀之云臺峯升天所遺經錄符章并印別以授子孫其四代日盛復居此山歷代重之今其子孫世襲真人居於江西廣信府貴溪縣之龍虎山



王侍宸

侍宸姓王名文卿宋時臨川人侍宸其官也生有骨相有道者器之長而遊四方履歷歲遍宇宙嘗遇異人授以道法能召風雷宋徽宗号为金門羽客凝神殿侍宸冠冠當時賜賚一無所受時揚州大旱詔求雨侍宸為仗劍噴水曰借黃河水三尺后數日揚州奏得雨水皆黃濁屢見顯異大元時始建祠今祠在建昌之府城内是也靈應益著執牲帛而乞靈者絡繹於道也



盧山匡阜先生

先生者姓匡名續字君平南楚人号匡阜先生生而神靈兒時便有物外志周武王時師老聃得長生之道結茅南障山虎溪之上隱焉室中無所有為置一榻簡書數篇而已武王屢徵不起遇少年傳以仙訣得道漢武帝南巡狩登祀天柱嘗望秩焉继而射蛟潯阳江中復封先生為南極大明公道高尤虎伏德重鬼神欽先生能伏五瘟使者為部將更命立祠於虎溪曰隱郡守桓伊迂先生祠於山口能押瘟部之神凡水旱疠疫禱之皆應焉

山神一人山顛否

草木叢茸更幾春

非吳非非吳

穰主因霖穰主雲

詩曰

望之巖峩山神對昔人有詩云

為害巫者黃小公以符去之因歌其人效其否不出否整則知有人操
在土麻濕之西南書五輪寮射石剎中對巖外地味對昔首山靜否效
山神故黃許子辭數下地土林人也業巫淋頭舞舞與寶醜彩天劉和願

黃山神



北極驅邪院

左判官者唐顏真卿德宗命真卿問罪李希烈親族餞于長樂坡公醉跳躑前楹曰吾早遇道士云陶八八授以刀圭碧霞丹至今不衰又曰七十有厄即吉他日待我于羅浮山得非今日之厄乎公至大梁希烈命縊殺之葬于城南希烈敗家人啓柩見貌狀如生徧身金色瓜甲出手背鬚山長數尺歸壟偃師北山后有商人至羅浮山有二道士奕棋樹下一曰何人至此谷曰小客洛陽人道士笑曰願寄一書達吾家遣童子取紙筆作書客還至北山顏家子孫得書驚曰先太師親筆發塚開棺已空矣后白玉蟾云顏真卿為北極驅邪左判官



那叱太子

那叱本是玉皇駕下大羅仙身長六丈首帶金輪三頭九眼八臂口吐青雲足踏盤石手持法律大噉一聲雲降雨從乾坤爍動因世間多魔王王帝命降凡以故托胎于托塔天王李靖母素知夫人生下長子軍叱次木叱師三胎那叱生五日化身浴於東海脚踏水晶殿翻身直上寶塔宮龍王以踏殿故怒而索戰師時七日即能戰殺九龍老龍無奈何而哀帝帥知之截戰于天門之下而龍死焉不意時上帝壇手搭如來弓箭射死石記娘之子而石記興兵帥取父壇降魔杵西戰而戮之父以石記為諸魔之領袖怒其殺之以惹諸魔之兵也帥遂割肉刻骨還父而抱真靈求全于世尊之側世尊亦以其能降魔故遂折荷葉為骨藕為肉系為脛棄為衣而生之授以法輪密旨親受木長子三字遂能大能小透河入海移星轉斗嚇一聲天頽地塌呵一氣金光罩世諦一响龍順虎從鎗一撥乾旋坤轉綉毬丟起山崩海裂故諸魔若牛魔王獅子魔王大衆魔王馬頭

魔王吞世界魔王鬼子母魔王九頭魔王多利魔王番天魔王五百夜叉七十二火鴉晝為所降以至於擊赤猴降孽龍蓋魔有盡而帥之靈通廣大變化無窮故靈山會上以為通天太師威靈顯赫大將軍王帝即封為三十六員第一總領使天帥之領袖永鎮天門也



五雷神

雷神廟在廣東雷州府之西南八里昔鄉人嘗將麻布造雷鼓雷車置廟中有以魚羶肉同食者立為霆震舊記云陳天建初州民陳氏者因獵獲一卵園及尺餘携歸家忽一日霹靂而開生一子有文在手曰雷州后卷成名文玉鄉俗呼為雷種后為本州刺史歿而有靈鄉人廟祀之陰雨則有電光吼聲自廟而出宋元累封王爵廟號顯震德祐中更名威化國史補雷州春夏多雷秋日則伏地中其狀如羶人取而食之又雅州瓦屋山有雷洞投以瓦石應手雷震也



電母神

相傳東王公與玉女投壺晷而脫誤不接者天為之笑開口流光今之閃電是也

風伯神

飛廉是也應劭曰飛廉神禽能致風氣身似鹿頭似爵有角尾似蛇大如豹風伯之神也

雨師神

商羊是也商羊神鳥一足能大能小吸則溟渤可枯雨師之神也



海神

即海若是也相傳秦始皇造石橋欲渡海觀日海神為驅石始皇求神相見神曰莫圖我形始皇從之及見左右巧者描畫神形神怒曰帝負約可速去今廟在文登縣

潮神


即子胥人見其素車白馬乘潮而出

水神

謂禹強河伯

波神

謂川后



洋子江三水府

五代史楊氏據江封馬當為

上水府廟在山之陽

采石為

中水府廟在采石山下封王宋加顯靈順聖忠佐平江王

金山為

下水府廟在金山寺內三廟

本朝俱稱水府之神水面江心一呼即應舟人過者必具牲帛以禱今有司歲時致祭



蕭公爺

公姓蕭諱伯軒龍眉蛟髮美髯面如童少年為人剛正自持言笑不苟善也惡也里閭咸為之盾平歿於宋咸淳間遂為神附童子先事言禍福中若發机鄉民相率為立廟江西臨江府新淦縣之太洋洲保舡救民有禱必應福澤十方

大元時以其子蕭祥叔死而有靈合祀于廟

皇明洪武初嘗遣官諭祭永樂十七年其孫天任卒屢著靈異亦祀于此詔封為水府靈通廣濟顯應英佑侯大著威靈于九江八河五湖四海之上



晏公爺

公姓晏名成仔江西臨江府清江鎮人也濃眉虬髯面如黑漆平生疾惡如探湯人少有不善必曰晏公得無知乎其為人敬憚如此
大元初以人材應選入官為文錦局堂長因病歸登舟即奄然而逝從人歛具一如禮未抵家里人先見其揚騶導於曠野之間衣冠如故咸重稱之月餘以死至且駭且愕語見之日則即其死之日也啓棺視之一無所有蓋尸解云父老知其為神立廟祀之有靈顯于江河湖海凡遇風波洶濤商賈叩投即見水途安妥舟航穩載繩纜堅牢風恬浪靜所謀順遂也
皇明洪武初詔封顯應平浪侯



開路神君

開路神君乃是周禮之方相氏是也相傳軒轅皇帝周遊九垓元妃螺祖死於道令次妃好如監護因買相以防夜蓋其始也俗名險道神一名阡陌將軍一名開路神君其神身長丈餘頭廣三尺鬚長三尺五寸鬚赤面藍頭載束髮金冠身穿紅戰袍脚穿皂皮靴左手執玉印右手執方天画戟出柩以先行之能押諸凶煞惡鬼藏形行柩之吉神也雷傳之於後世矣

法術呼律令

令平
声

雷部有神名曰健兒善走與雷相疾速故符呪云急急如律令勅雷傳後世道釋巫流召帥將風雷城隍社可画符出筆皆以用之



門神二將軍

門神乃是唐朝秦叔保胡敬德二將軍也按傳唐太宗不豫寢門外拋磚弄瓦鬼魅號呼三十六宮七十二院夜無寧靜太宗懼之以告群臣秦叔保出班奏曰臣平生殺人如剖瓜積屍如聚蟻何懼魍魎乎願同胡敬德戎裝立門以伺太宗可其奏夜果無警太宗嘉之謂二人守夜無眠太宗命画工圖二人之形像全裝手執玉斧腰帶鞭鍊弓箭怒髮一如平時懸于宮掖之左右門和崇以息後世沿襲遂永為門神西遊記小詞有本是英雄豪傑舊勳臣只落得千年稱戶尉萬古作門神之句傳於後世也



天王

按釋氏源流有毘留勒義天王有毘留博義天王有提頭賴吒天王有毘沙門天王昔唐太宗從高祖起義兵有神降於前自稱毘沙門天王頭同乃定乱其手將有猪首象鼻者故所向成功及即位詔天下公府皆祀之天聖初詔諸郡置祠仍建佛寺俱以天王為額此天王之所由普建也

藏板三教源流搜神大全卷終



後序

三教源流搜神大全刻成適閣伯太守以薦舉入都道過長沙余以初印樣本相贈太守為勘正其謬誤多處余一一從而校改太守謂元板畫像搜神廣記前後集昔在京師廠肆所見者即毛氏汲古閣舊藏卷首有毛氏印記諸神圖像釋氏無此之多此本所增大都取之梁宋兩高僧傳又謂余序文不足為典要之語於義未安太守喜言佛理又通內典意謂諸僧事蹟來歷分明不可一概未察耳余按此書明人以元板畫像搜神廣記增益繙刻即可以書中皇明年號證之而諸僧記載悉本永樂御製神僧傳一書文句都無所改竄余謂其不足為典要者以其出於雜家說部違於聖人不語之訓而已嘗考諸神始末有流傳極古而終屬無稽者如東華帝君西靈王母即東王公西王母見集仙錄宋李昉太平廣記五十一引王母事又見山海經穆天子傳玄天上帝即玄武神見唐段成式西陽雜俎梓潼帝君即張惡子見崔鴻十六國春秋後秦錄唐時有廟見李商隱詩集集有題張孫惡子廟詩樵文集集有祭梓潼神君文三元大帝即三官見梁陶宏景真誥唐周昉畫三官像

見宋徽宗宣和畫譜東嶽主人壽命見後漢書烏桓傳方術許曼傳泰山神有子見魏書段承根傳有女即嫁為東海婦者見晉張華博物志宋封其子為炳靈公立廟建康府城北見宋張敦頤六朝事迹十二廟佑聖真君茅盈即大茅君見尚書帝驗期宋李昉太平御覽六朝事迹十神五嶽神姓名見東方朔神異經五聖即五通見梁陶宏景雲笈七籤云正月初九日五通仙唐柳宗元龍城錄或云宋王錚撰託宗元名婺源有廟宋大觀二年賜額宣和五年加封通貺通祐通澤通惠通濟侯乾道淳熙累封加八字見宋王象之輿地紀勝二十嶽州仙釋注又引加封告命云江東之臨安有廟見宋潛說友咸淳臨安志七十許真君斬蛟見唐張鷟朝野僉載太平廣記二其二龍御舟事見許旌陽傳輿地紀勝二十五三茅真君即茅盈及其弟固弟衷見集仙錄太平廣記引茅君內傳太平御覽引崔府君為唐滏陽令宋淳化中民于京城北立廟見宋高承事物紀原野雜記謂即東漢之崔子玉王象之輿地紀勝行在所顯應觀注宋樓磁州廟尤靈顯世傳宋高宗乘廟鎗攻塊集顯應觀碑記辨其為唐人

中泥馬渡江見宋人撰宣和遺事其賫牒拘虎事見金元好問遺山集崔

府君廟碑記吳客三真君姓唐葛周宋臨安有祠乾道九年曹善建見咸

淳臨安志祠山張大帝渤見四明圖經高同所作張王廟記及王之行狀

輿地紀勝二十四其封真君并祖父以下兄弟子孫子婦加封在宋寶祐

間見咸淳臨安志常州武烈帝陳果仁見唐天寶僧德宣撰司徒陳公捨

宅造寺碑全唐文九百十五六朝事蔣莊武帝子文見晉干寶搜神記

蠶女亦見搜神記杭州蔣相公兄弟廣福廟見宋吳自牧夢梁錄神荼鬱

壘見漢應劭風俗通王充論衡鍾馗見唐人題吳道子畫鍾馗記宋沈括

引五瘟使者即五瘟之神見宋陳靚歲時廣記司命竈神姓名子女見西

陽雜俎福神楊成一作陽城為道州刺史有惠政見晏公類要輿地紀勝

州官紫姑神為李景妾何麗卿見顯異錄明陳耀文天五方之神見六韜

及太公金匱太平廣記二百九十一太觀音菩薩為女身見北齊書徐之

才傳世傳其父為妙莊王生女二妙清妙音妙善菩薩即妙善見元趙魏

公管夫人所書觀世音菩薩傳略元大德天妃宋臨安有廟事載丁伯桂

廟記見咸淳臨安志七十斬鬼張真君為唐張巡巡殉安祿山之難因本

傳有死為厲鬼以殺賊之語故民間祀以逐厲見元謝應芳辨惑編九鯉
湖仙為何氏九兄弟見輿地紀勝一百三十五興北極驅邪院左判官為
唐顏真卿本殉李希烈之難而世傳其尸解仙去見唐人明皇十七事錦
萬花谷前集三十引五代秦再思紀異輿地紀勝九十黃仙師治山精石妖見輿地
紀勝汀洲古迹引洋子江三水府偽唐保大中封宋大中祥符加封見元
馬端臨文獻通考滏祠雜祠開路神君為周禮之方相氏見宋真宗御製
軒轅本紀以上所舉或史傳不知其人或有其人而無其事大都供文人
之藻翰資揮塵之談鋒前人附會而言之後人因緣而述之虞初九百列
小說一家斯固并九流而不廢者也至神僧來自異域羽客多出宣和事
隔中原人多詐偽過而存之存而不論是則余刻是書之旨也歟宣統
元年己酉歲立夏後五日德輝撰



30153671





